



文粹卷第十三

詩四 總六十七首

樂府辭下

神仙

步虛詞十首 道士吳筠

步虛詞 高駢

夢上天 元稹

俠少

結客少年場 盧昭鄰

邯鄲少年行 鄭錫

邯鄲少年行 高邁

少年子 李白

少年行二首 王維

文粹十三

少年詞 李白 藥

少年行 張籍

少年行 崔國輔

俠客行 元稹

俠客行 李白

刺年少 李賀

古遊俠呈軍中諸將 崔顥

青樓曲二首 王昌齡

劍客 賈島


壯士吟 孟遲

結韞子 李白

行樂

楚宮行 張籍

上之回 李白



陽春歌

鼓吹入朝曲

白紵詞三首

冬白紵元稹

相逢行李白

古樂府權德輿

朝來曲王昌齡

將進酒李白

將進酒李賀

追悼

李夫人白居易

愁苦

古別離李端

古別離孟郊

文粹十三

遊子吟李益

遊子吟孟郊

苦熱行王叡

苦寒吟孟郊

鳥獸花卉

八駿圖白居易

天馬歌李白

紫駟馬

驄馬行杜甫

猛虎行李白

猛虎行李賀

白虎行

烏棲曲李白

烏夜啼

艾如張

李賀

野田黃雀行

李白

探蓮曲

張籍

探蓮曲

李白

古城道路

石城

鄭谷

沙路曲

李賀

沙隄行呈裴相公

張籍

洛陽陌

李白

步虛詞十首

道士吳筠

眾仙仰靈範肅駕朝神宗金景相照曜逶迤昇太空七玄已高飛  
火煉生珠宮餘慶逮天壤平和王道融八威清遊氣十絕舞祥風  
使我躋陽源其來自陰功逍遙太霞上眞鑒靡不通  
逸轡登紫清元乘邁奔電閭風隔三天俯視猶可見玉闥標傲朗

文粹十三

三

心亭

瓊林鬱葱蒨自非挺金骨焉得諧夙願眞朋何森森合景恣遊宴  
良會忘淹留千齡纔一瞬

三宮發明景朗照同鬱儀紛然馳颿欸上采空清麈令我洞金色  
後天耀瓊姿心協太虛靜寥寥竟何思玄中有至樂淡泊終無爲  
但與正眞友飄飄散遨嬉

稟化凝正氣鍊形爲眞仙忘心符元宗返本協自然帝一集絳宮  
流光出丹竝元英與桃君朗詠長生篇六府煥明霞百關羅紫煙  
飈車涉寥廓靡靡乘景遷不覺雲路遠斯須遊萬天

扶桑誕初景羽蓋凌晨霞倏欸造西域嬉遊金母家碧津湛洪源  
灼爍敷荷花煌煌青琳宮璨璨列玉華眞氣溢絳府自然思無邪  
俯矜區中士天濁良可嗟

瓊臺劫爲初孤映大羅表常有三素雲凝光自飛繞羽童泛明霞  
升降何縹緲鸞鳳吹雅音棲翔絳林標玉虛無晝夜靈景何皎皎  
一觀太上京方知眾天小

灼灼青華林靈風振瓊柯三光無冬春一氣清且和迴首邇結鄰  
傾眸親羅豁落制六天流鈴威百魔綿綿慶不極誰謂椿齡多  
高情無侈靡遇物生華光至樂無簫歌金玉音琅琅或登明眞臺  
宴此羽景堂香靄結寶雲霏散靈香天人誠遐曠歡泰不可量  
爰從太微上肆覲虛皇尊騰我八景輿威遲入天門既登玉宸庭  
肅肅仰紫軒敢問龍漢末如何闢乾坤怡然輟雲璈告我希夷言  
幸聞至精理方見造化源

二氣播萬有化機無停輪而我操其端乃能出陶鈞寥寥大漠上  
所遇皆清眞澄瑩含元和氣同自相親絳樹結丹實紫霞流碧津  
以茲葆童嬰永用超形神

步虛詞

高駢

青谿道士人不識上天下天鶴一隻洞門深鎖碧牕寒滴露研朱  
點周易

夢上天

元稹

文粹十三

四

夢上高高天高天蒼蒼高不極下視五嶽塊纍纍仰天依舊蒼蒼  
色踟躕雲聳身身更上攀天上天攀未得西瞻若木兔輪低東望蟠  
桃海波黑日月之光不到此非暗非明煙塞塞天悠地遠身跨風  
下無階梯上無力來時畏有他人上截斷龍胡斬鵬翼茫茫漫漫  
方自悲哭向青雲招曙素臆哭聲厭咽旁人惡喚起驚悲淚飄露  
千慚萬謝喚厭人向使無君終不寤

結客少年場

盧照鄰

長安重遊俠洛陽富財雄玉劍浮雲騎金鞭明月弓鬪雞過渭北  
走馬向關東孫賓遙見待郭解暗相通不受千金爵誰論萬里功  
將軍下天上虜騎入雲中烽火夜似月兵氣曉成虹橫行徇知己  
負羽遠征戎龍旌昏朔霧烏陣卷寒風追奔瀚海咽戰敗陰山空  
歸來謝天子何如馬上翁

邯鄲少年行

鄭錫

霞鞍金口驪豹袖紫貂裘家住叢臺近門前漳水流喚人呈楚舞

借客試吳鉤見說秦兵至甘心赴國讎

邯鄲少年行

高適

邯鄲城南遊俠子自矜生長邯鄲干場縱博家仍富幾度報讎  
身不死宅中歌笑日紛紛門外車馬常如雲未知肝膽向誰是令  
人卻憶平原君君不見今人交態薄黃金用盡還疏索以茲感歎  
辭舊遊更於時事無所求且與少年飲美酒往來射獵西山頭

少年子

李白

青雲少年子挾彈章臺左鞍馬四邊開突如流星過金丸落飛鳥  
夜入瓊樓臥夷齊是何人獨守西山餓

少年行二首

王維

新豐美酒斗十千咸陽遊俠多少年相逢意氣為君飲繫馬高樓  
垂柳邊

漢家君臣歡宴終高議雲臺論戰功天子臨軒賜侯印將軍佩出  
明光宮

文粹十三

五

少年詞

李百藥

少年飛翠蓋上路動金鑣始酌文君酒新吹弄玉簫少年不歡樂  
何以盡芳朝千金笑裏面一擲掌中腰挂冠豈憚宿迎拜不勝嬌  
寄語少年子無辭歸路遙

少年行

張籍

少年從獵出長楊禁中新拜羽林郎獨到輦前射雙虎君王手賜  
黃金璫日日鬪雞都市裏贏得寶刀重刻字百里報讎夜出城平  
明還在倡樓醉遙聞虜到平陵下不待詔書行上馬斬得名王獻  
桂宮封侯起第一日中不為六郡良家子百戰始取邊城功

少年行

崔國輔

遺卻珊瑚鞭白馬驕不行章臺折楊柳春草一作路傍情

俠客行

元稹

俠客不怕死怕在事不成事成不肯藏姓名我非竊賊誰夜行白  
日堂堂殺袁盎九衢草草人面青此客此心師海鯨海鯨露背橫

滄溟海波分作兩處生海鯨分海減海力俠客有謀人莫測三尺鐵蛇延二國

俠客行

李白

趙客縵胡纓吳鉤霜雪明銀鞍照白馬颯沓如流星十步殺一人千里不留行事了拂衣去深藏身與名閒過信陵飲脫劍膝上橫將炙啖朱亥持觴勸侯嬴三盃吐然諾五嶽倒爲輕眼花耳熱後意氣素蜺生救趙揮金鉞邯鄲先震驚千秋二壯士烜赫大梁城縱死俠骨香不慚世上英誰能書閣下白首太玄經

刺年少

李賀

青驄馬肥金鞍光龍腦入縷羅衫香美人狎坐飛瓊觴貧人喚云天上耶別起高樓連碧篠絲曳紅鱗出深沼有時半醉百花前背把金丸落飛鳥自說生來未爲客一身妾過三百豈知斷地種田家官稅頻催沒人識長金積玉誇豪殺每掛閒人多意氣生來不讀半行書祇把黃金買身貴少年安得長少年海波尙變爲桑

文粹十三

六

田枯榮遞傳急如箭天公豈肯於君偏莫道韶華鎮長在白頭面

皁專相待

古遊俠呈軍中諸將一作游俠篇

崔顥

少年負膽氣好勇復知機杖劍出門去孤城逢合圍殺人遼水上走馬漁陽歸錯落金鎖甲蒙茸貂鼠衣還家行且獵弓矢速如飛地迴鷹犬疾草深狐兔肥腰間帶兩綬轉盼生光輝顧謂今日戰何如隨建威

青樓曲二首

王昌齡

白馬金鞍從武皇旌旗十萬宿長楊樓頭小婦鳴箏坐遙見飛塵入建章

馳道楊花滿御溝紅妝縵縮上青樓金章紫綬千餘騎夫婿朝迴

初拜侯

劍客

賈島

十年磨一劍霜刃未曾試今日把似君誰有一一作爲不平事

壯士吟

孟遲

壯士何曾悲悲即無迴期如何易水上未歌先淚垂

結韞子

李白

燕南壯士吳門豪筑中置鈇魚隱刀感君恩重許君命太山一擲  
輕鴻毛

楚宮行

張籍

章華宮中九月時桂花半落紅橘垂江頭騎火照輦道君王夜從  
雲夢歸霓旌鳳蓋到雙闕臺上重重歌吹發千門萬戶開相當燭  
籠左右列成行下輦更衣入洞房洞房侍女盡焚香玉階羅幕微  
有霜齊言此夕樂未央玉酒湛湛盈華觴絲竹次第鳴中堂巴姬  
起舞向君王迴身垂手結明璫願君千年萬年壽朝出射麋夜飲  
酒

上之回

李白

三十六離宮樓臺與天通閣道步行月美人愁煙空恩疏寵不及

文粹十三

七

桃李傷春風淫樂意何極金輿向回中萬乘出黃道千旗揚彩虹  
前軍細柳北後騎甘泉東豈問渭川老寧邀襄野童但慕瑤池宴  
歸來樂未窮

陽春歌

長安白日照春空綠楊結煙柔曼風披香殿前花始紅流芳發色  
繡戶中繡戶中相經過飛燕皇后輕身舞紫宮夫人絕世歌聖君  
三萬六千日歲歲年年奈樂何

鼓吹入朝曲

金陵控海浦淶水帶吳京饒歌列騎吹颯沓列公卿搥鍾速嚴妝  
伐鼓啟重城天子憑玉几劍履若雲行日出照萬戶簪裾爛明星  
朝罷沐浴閒遨遊閩風亭濟濟雙闕下歡娛樂恩榮

白紵詞三首

揚清歌一作發皓齒北方佳人東鄰子旦吟白紵停淶水長袖拂  
面爲君起寒雲夜卷霜海空胡風吹天飄塞鴻玉顏滿堂樂未終



館娃日落歌吹深月寒江清夜沈沈美人一笑千黃金垂羅舞榭  
揚哀音郢中白雪且莫吟子夜吳歌動君心動君心冀君賞願作  
天池雙鴛鴦一朝飛去青雲上

吳刀翦絲縫舞衣明妝麗服奪春輝揚眉轉袖若雪飛傾城獨立  
世所稀激楚結風醉忘歸高堂月落燭已微玉釵挂纓君莫違

冬白紵

元稹

吳宮夜長宮漏款簾幕四垂燈燄暖西施自舞王自管雪紵翻翻  
鶴翎散社促節牽繁舞腰嬾舞腰嬾王罷飲葢覆西施鳳花錦身  
作牀臂爲枕朝佩縱縱王晏寢醒來聞報門無事子胥死後言爲  
諱近王之臣諭王意共笑越王窮惴惴夜夜抱冰寒不睡

相逢行

李白

朝騎五花馬謁帝出銀臺秀色誰家子雲車珠箔開金鞭遙指點  
玉勒近遲回來轂相借問疑從天上來復相催下車何輕盈飄然  
梅落邀入青綺門當歌共銜盃盃映歌扇似月雲中見相見不

文粹十三

八

得親不如不相見相見情已深未語可知心胡爲守空閨孤眠愁  
錦衾錦衾與羅帷纏綿會有時春風正澹蕩暮雨來何遲願因三  
春鳥更報長相思光景不待人須臾髮成絲當年失行樂老去徒  
傷悲持此道密意毋令曠佳期

古樂府

權德輿

光風澹蕩百花吐樓上朝朝學歌舞身年二八婿侍中幼妹承恩  
兄尙主絲窗珠箔繡鴛鴦侍婢先焚百和香鸞啼日出不知曙寂  
寂羅帷春夢長

朝來曲

王昌齡

日昃鳴珂動花連繡戶春盤龍玉臺鏡唯待畫眉人

將進酒

李白

君不見黃河之水天上來奔流到海不復迴君不見高堂明鏡悲  
白髮朝如青絲暮成雪人生得意須盡歡莫使金樽空對月天生  
我材必有用千金散盡還復來烹羊宰牛且爲樂會須一飲三百

盃岑夫子丹邱生將進酒杯莫停與君歌一曲請君爲我傾耳聽  
鍾鼓饌玉不足貴但願長醉不願醒古來聖賢皆寂寞惟有飲者  
留其名陳王昔時宴平樂斗酒十千恣歡譁主人何爲言少錢且  
一作須沽取對君酌五花馬千金裘呼兒將出換美酒與爾同銷  
萬古愁

將進酒

李賀

琉璃鍾琥珀濃小槽酒滴真珠紅烹龍炮鳳玉脂泣羅屏翠幕圍  
春風吹龍笛擊鼙鼓皓齒歌細腰舞況是青春日將暮桃花亂落  
如紅雨勸君終日酌酌醉酒不到劉伶墳上土

李夫人

鑿髮惑也

白居易

漢武帝初喪李夫人夫人病時不肯別死後留得生前恩君恩不  
盡念未已甘泉殿裏令寫真丹青畫一作寫出竟何益不言不笑愁  
殺人又合方士合靈藥玉釜煎煉金爐焚九華帳深夜悄悄反魂  
香降夫人魂夫人之魂在何許香煙引到焚香處既來何苦不須

文粹十三

九

輿縹緲悠揚還滅去去何速兮來何遲是耶非耶兩不知翠蛾髻  
髯平生貌不以昭陽寢疾時魂之不來君心苦魂之來兮君亦悲  
背燈隔帳不得語安用暫來還見違傷心不獨漢武帝自古及今  
皆若斯君不見穆王三日哭重璧臺前傷盛姬又不見秦陵一掬  
淚馬嵬坡下念楊妃縱令妍姿豔質化爲土此恨長在無銷期生  
亦惑死亦惑凡物惑人忘不得人非木石皆有情不如不遇傾城  
色

古別離

李端

水國葉黃時洞庭霜落夜行舟聞商賈宿在楓林下此地送君還  
茫茫似夢間後期知幾日前路轉多山巫峽通湘浦迢迢隔雲雨  
天晴見海橋日落聞津鼓人老自多愁水深難急流清宵歌一曲  
白首對汀洲

古別離

孟郊

松山雲繚繞萍路水分離雲去有歸日水分無合時春芳役雙眼

春色柔四支楊柳織別愁千條萬條絲

遊子吟

李益

女羞夫婿薄客恥主人賤遭遇同眾流低迴愧相見君非青銅鏡何事空照面莫以衣上塵不謂心如練人生當榮盛待士勿言倦君看白日馳何異絃上箭

遊子吟

孟郊

慈母手中線遊子身上衣臨行密密縫意恐遲遲歸誰言寸草心報得三春暉

苦熱行

王勣

祝融南來鞭火龍火旗燄燄燒天紅日輪當午凝不去萬國如在洪爐中五嶽翠乾雲彩滅陽侯海底愁波竭何當一夕金風發爲我掃卻天下熱

苦寒吟

孟郊

天色寒青蒼北風叫枯桑厚冰無裂文短日有冷光敲石不得火

文粹十三

十一

介五

壯陰奪正陽苦調更何言凍吟成此章

八駿圖

白居易

穆王八駿天馬駒後人愛之寫爲圖背如龍兮頸如象骨竦筋高脂肉壯日行萬里疾如飛穆王獨乘何所之四荒八極蹋欲徧三十二蹄無歇時屬車輔折趁不及黃屋草生棄若遺瑤池西赴王母宴七廟經年不親薦璧臺南與盛姬遊明堂不復朝諸侯白雲黃竹歌聲動一人荒樂萬人愁周從后稷到文武積德累功世勤苦豈知纜及四代孫心輕王業如灰土由來尤物不在大能蕩君心卽爲害文帝卻之不肯乘千里馬去漢道興穆王得之不爲戒八駿駒來周室壞至今此物世稱珍不知房星之精下爲怪八駿圖君莫愛

天馬歌

李白

天馬來出月支窟背爲虎文龍翼骨嘶青雲振綠髮蘭筋權奇足滅沒騰崑崙歷西極四足無一蹶雞鳴刷燕脯越神行電邁躡躡

恍惚天馬呼飛龍趨目明長庚臆雙鳧尾如流星首渴烏口噴紅  
光汗溝朱曾陪時龍躍天衢羈金絡月照皇都逸氣稜稜凌九區  
白壁如山誰敢沾迴頭笑紫燕但覺爾輩愚天馬奔戀君軒駮躍  
驚矯浮雲翻萬里足躑躅遙瞻閭闔門不逢寒風子誰採逸景孫  
白雲在青天邱陵遠崔嵬鹽車上峻坂倒行逆施畏日晚伯樂翦  
拂中道遺少盡其力老棄之願逢田子方惻然爲我悲雖有玉山  
禾不能療苦飢嚴霜五月凋桂枝伏櫪銜冤摧兩眉請君贖獻穆  
天子猶堪弄影舞瑤池

紫驢馬

紫驢行且嘶雙翻碧玉蹄臨流不肯渡似惜錦障泥白雪關山遠  
黃雲戍樹迷揮鞭萬里去安得念春閨

驄馬行

大常樂舞救賜馬也李鄧公愛而有之命甫製詩

杜甫

鄧公馬癖人共知初得花驄大宛種夙昔傳聞思一見牽來左右  
神皆竦雄姿逸態何嶮崿顧影驕嘶自矜龍隅目青燐夾鏡懸肉

文粹十三

十一

駿礮礮連錢動朝來久試華軒下未覺千金滿高價赤汗微生白  
雪毛銀鞍卻覆香羅帕卿家舊賜公取之天廄真龍此其亞晝洗  
須騰涇渭深朝趨可刷幽并夜吾聞良驥老始成此馬數年人更  
驚豈有四蹄疾於鳥不與八駿俱先鳴時俗造次那得致雲霧晦  
冥方降精近聞下詔喧都邑肯使騏驎地上行

猛虎行

李白

朝作猛虎行暮作猛虎吟腸斷非關隴頭水淚下不爲雍門琴  
旌纛紛兩河道戰鼓驚山欲傾倒秦人半作燕地囚胡馬翻銜洛  
陽草一輪一失關下兵朝降夕叛幽薊城巨鼇未斬海水動魚龍  
奔走安得靈頗似楚漢時翻覆無定止朝過博浪沙暮入淮陰市  
張良未遇韓信貧劉項存亡在兩臣曹劉下邳受兵略來投漢母  
作主人賢哲栖栖古如此今時亦棄青雲士有策不敢犯龍鱗竄  
身南國避胡塵寶書玉劍挂高閣金鞍駿馬散故人昨日方爲宣  
城客掣鈴交通二千石有時六博快壯心遶牀三市呼一擲楚人

每道張旭奇心藏風雲世莫知三吳邦伯皆顧盼四海雄俠兩追  
隨蕭曹曾作沛中吏攀龍附鳳當有時溧陽酒樓三月春楊花茫  
茫愁殺人胡雛綠眼吹玉笛吳歌白紵飛梁塵丈夫相見且爲樂  
槌牛過鼓會眾賓我從此去釣東海得魚笑寄情相親

猛虎行

李賀

長戈莫擗疆弩莫捩乳孫哺子教得生猛舉頭爲城掉尾爲旌東  
海黃公愁見夜行道逢騶虞牛哀不生何用尺刀壁上雷鳴泰山  
之下婦人哭聲官家有程吏不敢聽

白虎行

火鳥日暗崩騰雲秦皇虎視蒼生羣燒書滅國無暇日鑄劍佩狎  
唯將軍玉壇設醮思冲天一世二世當萬年燒丹未得不死藥擊  
舟海上尋神仙鯨魚張鬣海波沸耕人半作征夫鬼雄豪氣猛如  
欲煙無人爲決天河水誰最苦兮誰最苦報人義士深相許漸離  
擊筑荆卿歌荆卿把酒燕丹語劍如霜分腸如鐵出燕城兮望秦  
月天授秦封祚未移袞龍衣點荆卿血朱旗卓地白虎死漢皇卻  
是真天子

文粹十三

十三

烏棲曲

李白

姑蘇臺上烏棲時吳王宮裏醉西施吳歌楚舞歡未畢青山猶銜  
半邊日銀箭金壺漏水多起看秋月墜江波東方漸高柰樂何

烏夜啼

黃雲城邊烏欲棲歸飛啞啞枝上啼機中織錦秦川女碧紗如煙  
隔窗語停梭悵然憶遠人獨宿孤房淚如雨

艾如張

李賀

錦襜褕繡襦襦強飲啄句哺爾雛龍東臥穉滿風雨莫信籠媒龍  
西去齊人織網如素空張在野田平碧中網絲漠漠無形影誤爾  
觸之傷首紅艾葉綠花誰剪刻中藏禍機不可測

野田黃雀行

李白

遊莫逐炎洲翠棲莫近吳宮燕吳宮火起焚爾窠炎洲逐翠遭網

羅蕭條兩翅蓬蒿下縱有鷹鷂奈爾何

採蓮曲

張籍

秋江岸邊蓮子多採蓮女兒並船歌青房圓實齊戢戢爭前競折  
漾微波試索綠莖下尋藕斷處絲多刺傷手白練束腰袖半卷不  
插玉釵梳妝淺船中未滿渡前洲借問阿誰家住遠歸時共待暮  
潮上自弄芙蓉還蕩槳

採蓮曲

李白

若耶溪傍採蓮女笑隔荷花共人語日照新妝水底明風飄香袖  
空中舉岸上誰家遊冶郎三三五五映垂楊紫騮嘶人落花去見  
此踟躕空斷腸

石城

鄭谷

石城昔爲莫愁鄉莫愁魂散石城荒江人依舊棹舴艋江岸還飛  
雙鴛鴦帆去帆來風浩渺花開花落春悲涼煙濃草遠望不盡千  
古漢陽閒夕陽

文粹十三

三

八八八文甫

沙路曲

李賀

柳陰半眠丞相樹佩馬玎玲蹋沙路斷燼遺香裊翠煙獨騎鳴蹄  
上天去帝家玉龍縱九關帝前簪笏稱南山獨垂重印押千官金  
科篆字紅屈盤沙路歸來聞好語旱火不光天下雨

沙隄行呈裴相公

張籍

長安大道沙爲隄風吹無塵雨無泥宮中玉漏下三刻朱衣導騎  
丞相來路傍高樓息歌吹千車不行行者避街官閭吏相傳呼當  
前十里唯空衢白麻詔下移相印新隄未成舊隄盡

洛陽陌

李白

白玉誰家郎迴車渡天津看花東陌上驚動洛陽人

文粹卷第十三

文粹卷第十四上

吳興 姚鉉 箋

詩五 總六十四首

古調歌篇一

古風

古風十一首 李白

古意三首 王績

覽古十四首 道士吳筠

古意二首 賀蘭進明

古意九首 釋貫休

詠古 李涉

感古三首 盧仝

古意 賈島

效古 釋皎然

文粹十四上

古興 呂溫

諷古二首 劉禹錫

續古詩十首 白居易

古意贈補闕 孟郊

古意二首 祖詠

古意 陸龜蒙

古意 李白

古興 權德輿

古風十一首

李白

大雅久不作吾衰竟誰陳王風委蔓草戰國多荆榛龍虎相啖食  
兵戈逮狂秦正聲何微茫哀怨起騷人揚馬激頽波開流蕩無垠  
廢興雖萬變憲章亦已淪自從建安來綺麗不足珍聖代復元古  
垂衣清真羣才屬休明乘運共躡鱗文質相炳煥眾星羅秋旻  
我志在刪述垂輝映千春希聖如有立絕筆於獲麟

咸陽二三月宮柳黃金枝綠噴誰家子賣珠輕薄兒日暮醉酒歸  
白馬驕且馳意氣人所仰遊治方及時子雲不曉事晚獻長楊辭  
賦達身已老草玄鬢若絲投閣良可歎但爲此輩嗤

莊周夢胡蝶胡蝶爲莊周一體更變易萬事良悠悠乃知蓬萊水  
復作清淺流青門種瓜人舊日東陵侯富貴固如此營營何所求  
齊有侗儻生魯連特高妙明月出海底一夕開光耀卻秦振英聲  
後世仰未照意輕千金贈顧向平原笑吾亦澹蕩人拂衣可同調  
黃河走東溟白日落西海逝川與流光飄忽不相待春容捨我去  
秋髮已衰改人生非寒松年貌豈長在吾當乘雲螭吸景駐光彩  
胡關饒風沙蕭索竟終古木落秋草黃登高望戎虜荒城空大漠  
邊邑無遺堵白骨橫千霜嗟峨蔽榛莽借問誰凌虐天驕毒威武  
赫怒我聖皇勞師事鞞鼓陽和變殺氣發卒騷中土三十六萬人  
哀哀淚如雨且悲就行役安得營農圃不見征戍兒豈知關山苦  
李牧今不在邊人飼豺虎

文粹十四上

二

汝清

燕昭延郭隗遂築黃金臺劇辛方趙至鄒衍復齊來奈何青雲士  
棄我如塵埃珠玉買歌笑糟糠養賢才方知黃鵠舉千里獨徘徊  
天津三月時千門桃與李朝爲斷腸花暮逐東流水前水復後水  
古今相續流今人非舊人年年橋上遊雞鳴海色動謁帝羅公侯  
月落西上陽餘輝半城樓衣冠照雲日朝下散皇州鞍馬如飛龍  
黃金絡馬頭行人皆辟易志氣橫嵩邱入門上高堂列鼎錯珍羞  
香風引趙舞清管隨齊謳七十紫鴛鴦雙雙戲庭幽行樂爭晝夜  
自言度千秋功成身不退自古多愆尤黃犬空歎息綠珠成覺讎  
何如鴟夷子散髮掉扁舟

鄧容吟白雪遺響飛青天徒勞歌此曲舉世誰爲傳試爲巴人唱  
和者乃數千吞聲何足道歎息空悽然

燕趙有秀色綺樓青雲端眉目豔皎月一笑傾城歡常恐碧草晚  
坐泣秋風寒纖手怨玉琴清晨起長歎焉得偶君子其乘雙飛鸞  
美人出南國灼灼芙蓉姿皓齒終不發芳心空自持由來紫宮女



其妒青蛾眉歸去瀟湘沚沈吟何足悲

古意二首

王績

幽人在何所紫巖有仙躅月夜橫寶琴此外將安欲材抽嶧山幹  
徽點崑邱玉漆抱蛟龍脣絲纏鳳皇足前彈廣陵罷後以明光續  
百金買一聲千金傳一曲世無鍾子期誰知心所屬  
桂樹何蒼蒼秋來花更芳自言歲寒性不知露與霜幽人重其德  
徙植臨前堂連拳八九樹偃蹇二三行枝枝自相糾葉葉還相當  
去來雙鴻鵠栖息兩鴛鴦榮蔭誠不厚斤斧亦勿傷赤心許君時  
此意那可忘

彩鳳欲將歸提羅出郊訪羅張大澤已鳳入重雲颺朝栖崑閩木  
夕飲蓬壺漲問鳳那遠飛賢君坐相望鳳言何深德微禽安足尚  
但使雛卵全無令增繳放皇臣力牧舉帝樂簫韶暢自有來巢時  
明年阿閣上

覽古十四首

道士吳筠

文粹十四上

三

聖人重周濟明道欲救時孔席不暇暖墨突何嘗緇興言振頽綱  
將以有所維君臣恣淫惑風俗日凋衰三代業遽隕七雄遂交馳  
庶物墜塗炭區中若焚絲秦皇燎儒術方策靡子遺大漢歷五葉  
斯文復崇推乃驗經籍道與世同屯夷狄張固天意設教安能持  
興亡道之運否泰理所全奈何滄古風旣往不復旋三皇已散朴  
五帝初尚賢王業與霸功浮僞日以宣忠誠及狙詐殼混安可甄  
餘智入九霄守愚淪重泉永懷巢居時感涕泫然

棟宇代巢穴其來自三皇跡生固爲累經始增百王瑤臺旣滅夏  
瓊室復隕湯覆車世不悟秦氏興阿房繼踵迷反正漢家崇建章  
力役弊萬人瓌奇殫八方徇志仍未極促齡已云亡侈靡竟何在  
荆榛生廟堂

閒居覽前載惻彼商與秦所殘必忠良所寶皆凶器昵諛方自聖  
不悟禍滅身箕子作周輔孫通爲漢臣洪範及禮儀後王用經綸  
吾觀采芩什復感青蠅詩讒佞亂忠孝古今同所悲姦邪起譖猾

骨肉相殘夷漢儲殞江充晉嗣滅驪姬天性猶可問君臣固其宜  
子胥烹吳鼎文種斷越鉞屈原沈湘流厥感戚自貽何不若范蠡  
扁舟無還期

嘗稽真仙道清寂祛眾煩秦皇及漢武焉得遊其藩情擾萬機屑  
位驕四海尊既欲先宇宙仍規後乾坤崇高與久遠物莫能兩存  
矧乃恣所欲荒淫伐靈根金膏特延期玉色復動魄征戰窮外域  
殺傷被中原天鑒諒難誣神理不可諉安期反蓬萊王母還崑崙  
異術終莫告悲哉竟何言

魯侯祈正術尼父從棄捐漢主思英才賈生被排遷始皇重韓子  
及覩乃不全武帝愛相如既徵復忘賢貴遠世咸爾賤今理其然  
方知古來主難以效當年

食其昔未偶落魄爲狂生一朝君臣契雄辯何縱橫運籌康漢業  
憑軾下齊城旣以智所達還爲智所烹豈若終賤貧酣歌本無營  
晁錯抱遠策爲君納良規削彼諸侯權永用得所宜姦臣負舊隙

文粹十四上

乘釁謀相危世主竟不辨身戮宗且夷漢景稱欽明濫罰猶如斯  
比干與龍逢殘害何足悲

絳侯成大績賞厚位仍尊一朝對獄吏榮辱安可論蘇生佩六印  
奔奔爲殃源主父食五鼎昭昭成禍根李斯佐二辟巨釁鍾其門  
霍孟翼三后伊戚及後昆天忌盈滿茲理固永存方知得意者

何必乘朱輪滅景栖遠壑弦歌對清罇二疏返濱海蔣翽歸林園  
蕭灑去物累此謀誠足敦

至人順通塞委命固無疵吾觀太史公可謂識道規留滯焉足憤  
感懷殄生涯吾歎翼夫子秉義確不移晦跡一何晚天年天當時  
薰膏自銷鑠楚老空餘悲

達者貴量力至人尙知幾京房洞幽贊神奧咸發揮如何嫉元惡  
不悟禍所歸謀物闇謀已誰言爾精微  
玄元明知止大雅尙保躬茂先洽聞者幽蹟咸該通弱年賦鷓鴣  
可謂達養蒙晚節希鸞鶴長飛戾會穹知進不知退遂令其道窮

伊昔辨福初胡爲迷禍終方驗嘉遁客永貞天壤同  
聖人垂大訓與義不苟設天道殃頑兇神明祐懿哲斯言猶影響  
安得復迴穴絲腹誕英睿唐虞有昏孽盜跖何延期顏生乃短折  
魯隱全克讓禍機遂潛結楚穆肆巨逆福柄奚赫烈田常弑其主  
祚國久罔缺管仲存霸功世祖成詭說漢氏方板蕩羣闇恣邪譎  
嘗譽陳蕃徒孜孜抗忠節誓期區宇靜爰使兇醜絕謀協事靡從  
俄而反誅滅古來若茲類紛擾難盡列道遐理微茫誰爲我昭晰  
吾將詢上帝寥廓詎躋徹已矣勿用言忘懷庶自悅

古意二首

賀蘭進明

秦庭初指鹿羣盜滿山東忤意皆誅死所言誰肯忠武關猶未啟  
兵入望夷宮爲崇非涇水人君道自窮  
崇蘭生澗底香氣滿幽林采采欲爲贈何人是同心日暮徒盈把  
徘徊憂思深慨然紉雜佩重奏邱中琴

古意九首

釋貫休

文粹十四上

五

一雨火雲盡閉門心冥冥蘭花與芙蓉滿院同芳馨佳人天一涯  
好鳥鳴嚶嚶我有雙白璧不羨於虞卿我有徑寸珠別是天地精  
玩之室生白蕭灑身安輕只應天上人見我雙眼明

陽烏爍萬物草木懷春恩茫茫塵土飛培擁名利根我本事蓑笠  
幼知天子尊學爲毛氏詩亦多直致言不慕需臚類附勢同崩奔

唯尋桃李蹊去去長者門

美人如遊龍被服金鴛鴦手把古刀尺在彼白玉堂文章深掣曳  
珂佩鳴玎璫好風吹桃花片片落銀牀何妨舉羽翰遠逐朱鳥翔  
乾坤有清氣散入詩人脾聖賢遺清風不在惡木枝千人萬人中  
一人兩人知憶在東溪日花開葉落時幾擬以黃金鑄作鍾子期  
莫輕白雲白不與風雨會莫見守羊兒謂是初平輩人生非日月  
光輝豈長在一榮與一辱今古長相對君不見于公門子孫好冠  
蓋

古交如真金百鍊色不回今交如暴流倏忽生塵埃我恐君子氣

散爲青松栽我恐荆棘花只爲小人開傷心復傷心吟上高高臺  
常思謝康樂文章有神力是何清風清凜然似相識一種爲頑鼠  
得作翻經石一種爲枯槁得作登山展永嘉爲郡後山水添鮮碧  
何當舉羽翰一去觀遺迹

常思李太白仙筆驅造化玄宗致之七寶牀虎殿龍樓無不可一

朝力士脫鞵後玉上青蠅生一箇紫皇案前五色麟忽然掣斷黃

金鑲五湖大浪如銀山滿船載酒槌鼓過賀老成異物顛狂誰敢

和寧知江邊墳不是猶醉卧

憶在山中時丹桂花葳蕤紅泉浸瑤草日夕生華滋簷屋開地爐

翠牆挂藤衣看經竹窗邊白猿三四枝東峯有老人眼碧頭骨奇

種薤煮白石旨趣如櫻兒月上來打門月落方始歸授我微妙訣

恬淡無所爲別來六七年只恐白日飛

詠古

李涉

大智思濟物道行心始休垂綸自消息歲月任春秋紂虐武既賢

文粹十四上

六

風雲固可求順天行殺機所向協良謀況以丈人師將濟安川流  
何勞問枯骨再取陰陽籌霸國不務人兵戈恣相酬空令渭水跡

千古獨悠悠

感古三首

盧仝

天生聖明君必資忠賢臣舜禹竭股肱其佐堯爲君四載成地理

七政齊天文階下莫莢生琴上南風薰輪轉夏殷周時復猶一人

秦漢事讒巧魏晉忘機釣猜忌相剪滅邇來迷恩親以愚保其身

不覺身沈淪以智理其國遂爲國之賊苟圖容一身萬事良可測

可憐萬乘君聰明受沈惑忠良伏草莽無因施羽翼日月異又蝕

天地晦如墨既亢而後求異哉龍之德

人生何所貴所貴有終始昨日盈尺璧今日盡瑕棄蒼蠅點垂棘

巧舌成錦綺箕子爲之奴比干諫而死仲尼魯司寇出走爲羣婢

假如屈原醒其奈一國醉一國醉吸號一人行清高便欲激頽波

此事真徒勞上山逢猛虎入海遭巨鼉王者苟不死腰下魚鱗刀

東海波連天三度成桑田高岸高於屋斯須變溪谷天地猶尙然  
人情難久全夜半白刃讎且來金石堅蕭綬既解拆陳印亦棄捐  
竭節遇刀割輸忠遭禍纏明鏡不自照膏潤徒自煎抱劍常太息  
淚墮秋風前

古人不患寡所患不均單醪投長河三軍盡沈淪今人異古人  
結託唯親賓毀拆唯鵲巢不行鵬鳩仁鄙悖不識分有心占陽春  
鸞鶴日已疏燕雀日已親小物無大志安測栖松筠恩眷多棄故  
物情尙逐新瓦礫暫拂拭光掩連城珍屑吻恣談鑠黃金成灰塵  
蘇秦北遊趙張祿西入秦旣變嫂叔節仍擯華陽君萬世金石交  
一餉如浮雲骨肉且不顧何況長羈貧

古意

賈島

碌碌復碌碌百年雙轉轂志士中夜心良馬白日足俱爲不等閒  
誰是知音目眼中兩行淚曾弔三獻玉

效古

天寶十四年

釋皎然

文粹十四上

七

日出天地正煌煌闢晨曦六龍驅羣動古今無盡時夸父亦何愚  
競走先自疲飲乾咸池水折盡長桑枝渴死化燭火嗟嗟徒爾爲  
空留鄧林在摧折令人嗤

古興

呂溫

越歐百鍊時楚下三泣地二寶無人識千齡皆棄置空巖起白虹  
古獄生紫氣安得命世客直來開奧祕劍任刺鍾看玉從投火試  
必能絕疑惑然後論奇異

諷古二首

劉禹錫

軒后初冠冕前旒爲蔽明安知從復道然後見人情  
簿領乃俗士清談信古風吾觀蘇令綽朱墨一何工

續古詩十首

白居易

戚戚復戚戚送君遠行役非中原海外黃沙磧伶俜獨居妾  
迢遞長征客君望功名歸妾憂生死隔誰家無夫婦何人不離拆  
所恨薄命身嫁遲別日迫妾身有存沒妾心無改易生爲閨中婦

死作山頭石

掩淚別鄉里飄飄將遠行茫茫綠野中春盡孤客情驅馬上邱壙高低路不平風吹棠梨花啼鳥時一聲古墓何代人不知姓與名化作路傍土年年春草生感彼忽自悟今我何營營

朝采山上薇暮采山上薇歲晏薇亦盡飢來何所爲坐飲白石水手把青松枝擊節獨長歌其聲清且悲桴馬非不肥所苦長縶維豢豕非不飽所憂竟爲犧行行歌此曲以慰常苦飢

雨露長織草山苗高入雲風雪折勁木潤松摧爲薪風摧此何意兩長彼何因百丈澗底死寸莖山上春可憐苦節士感此涕盈巾窈窕雙鬢女容德俱如玉晝居不踰閭夜行常秉燭氣如含露蘭心如貫霜竹宜當備嬪御胡爲守幽獨無媒不得選年忽過三六歲暮望漢宮誰在黃金屋邯鄲進倡女能唱黃花曲一曲稱君心恩榮連九族

栖栖遠方士讀書二十年業成無知已徒步來入關長安多王侯

文粹十四上

英俊競攀援幸隨眾賓末得廁門館間東閣有旨酒中堂有管絃何爲向隅客對此不開顏富貴無是非主人終日歡貧賤多悔尤客子終夜歎歸去復歸去故鄉貧亦安

涼風飄嘉樹日夜滅芳華下有感秋婦攀條苦悲嗟我本幽閒女結髮事豪家豪家多婢僕門內頗驕奢良人近封侯出入鳴玉珂自從富貴來恩薄讒言多豕婦獨守禮羣妾互奇衰但信言有玷不察心無瑕容光未銷歇歡愛忽蹉跎何意掌上玉化爲眼中沙盈盈一尺水浩浩千丈河勿言小大異隨分有風波閨房復猶爾

邦國當如何

心亦無所迫身亦無所拘何爲腸中氣鬱鬱不得舒不舒良有以同心久離居五年不見面三年不得書念此令人老抱膝坐長吁豈無盈樽酒非君誰與娛

攬衣出門行遊觀遠林渠澹澹春水暖東風生綠蒲上有和鳴鴈下有掉尾魚飛沈一何樂鱗羽各有徒而我方獨處不與之子俱

顧彼自傷已禽魚之不如出遊欲道憂孰知憂有餘

春日日出瞳瞳耀晨輝草木照未遠浮雲已蔽之天地黯以晦  
當午如昏時雖有東南風力微不能吹中園何所有滿地青青葵  
陽光委雲上傾心欲何依

古意贈補闕

孟郊

曲木忌日影讒人畏賢明自然燭照間不受邪佞輕不有百鍊火  
孰知寸金精金鉛正同爐願分精與麤

古意二首

祖詠

楚王竟何去獨自留巫山偏使世人見迢迢江水間駐舟春澤裏  
誓願拜靈顏夢寐覩神女金沙鳴佩環閒豔絕世姿令人氣力微  
含笑默不語化作朝雲飛

夫差日淫放舉國求妃嬪自謂得王寵代間無美人碧羅蒙天閣  
坐輦乘芳春宮女數千騎常遊江上濱年深玉顏老時薄花妝新  
拭淚下金殿嬌多不顧身生前如歌舞死後同灰塵冢墓令人哀

哀於銅雀臺

古意

陸龜蒙

君心莫淡薄妾意方栖託願得雙車輪一夜生四角

古意

李白

白酒初熟山中歸黃雞啄黍秋正肥呼兒烹雞酌白酒男女歌笑  
牽人衣高歌取醉欲自慰起舞落日爭光輝遊說萬乘苦不早著  
鞭跨馬涉遠道會稽愚婦輕買臣余亦辭家方入秦仰天大笑出  
門去我輩豈是蓬蒿人

古興

權德輿

月中有桂樹無翼難上天海底有驪珠下隔萬丈淵人生大限雖  
百歲就中三十稱一世晦明烏兔相推遷雪霜漸到雙鬢邊沈憂  
戚戚多浩歎不得如意居太半一氣斲聚常恐散黃河清兮白石  
爛

文粹卷第十四上



文粹十四上

十

十一

心亭



文粹卷第十四下

吳興 姚鉉 纂

詩六 總五十六首

古調歌篇二

雜興

雜興 聶夷中

雜言 謝陶

雜詩三首 權德輿

雜詩六首 李華

雜詩二首 張說

雜詩二首 儲光羲

雜感 鮑防

雜言 司空圖

雜詩 獨孤及

文粹十四下

雜諷九首 陸龜蒙

感興 崔膺

遣興三首 杜甫

寓言二首 賈至

寓興 賈島

寓興 歐陽詹

不欺 賈島

辯士

新昌里 姚合

口號 賈島

絕句

悲歌三首 顧況

美人 陸龜蒙

客思 楊敬之

感事 陸龜蒙

寓言 孟郊

傷感

汾陰行 李嶠

八月五日歌 顧況

三鄉驛伏觀玄宗望女几山詩小臣斐然有感 劉禹錫

江南遇天寶樂叟 白居易

連昌宮詞 元稹

感興 李涉

玉華宮 杜甫

至開化里壽春公故宅 韋應物

杜秋娘詩 杜牧

雜興

聶夷中

兩葉能蔽目雙豆能塞聰理身不知道將為天地聾擾擾造化內

文粹十四下

二

茫茫天地中苟或有所願毛髮亦不容

雜言

謝陶

天不與人言禍福能自至水火雖活人暫不得即死蹈之焚斯須  
憑之溺容易水火與禍福豈有先言耳

雜詩三首

權德輿

婉彼羸氏女吹簫偶簫史彩鸞駕飛煙綽約兩仙子神期諒交感  
相顧乃如此豈比成都人琴心中夜起

陽臺巫山上風雨忽清曠朝雲與遊龍變化千萬狀魂交復目斷

縹緲難比況蘭澤不可親凝情坐惆悵

洪水春正淩上宮蘭葉齊光風兩搖蕩鳴佩出中闈一顧授橫波

千金呈瓠犀徒然路傍子悅悅復悽悽

雜詩六首

李華

黃鐘叩元音律呂更循環邪氣悖正聲鄭衛生其問典樂忽涓微  
波浪與天渾嘈嘈鳴臬動好鳥徒懸鬢王吉歸鄉里甘心長閉關

玄黃與丹青五氣之正色聖人端其源上下皆有則齊侯好紫衣  
魏帝婦人飾女奴厭金翠傾海未滿臆何忍嚴子陵羊裘死荆棘  
甘酸不私人元和運五行生人受其用味正心亦平爪牙相踐傷  
日與性命爭聖人不能絕鑽燧與炮烹嗜慾乘此熾百金資一傾  
正消神耗衰邪勝體充盈顏子有餘樂瓢中寒水清  
陰魄淪宇宙太陽假其明臣道不敢專由此見虧盈未聞東菑稼  
一氣嘉穀成上天降寒暑地利乃可生葛藟附柔木繁陰蔽會原  
風霜摧枝條不復庇本根女蘿依松柏然後得長存  
孔光尊董賢胡廣慚李固儒風冠天下而乃敗王度絳侯與博陸  
忠朴受遺顧求名不考實文弊反爲蠹  
結交得書生書生鈍且直爭權復爭利終不得其力我逢縱橫者  
是我牙與翼相旋如疾風並命趨紫極奔車得停軌風火何用逼  
仁義豈有常肝膽反爲賊勿嫌書生直鈍直深可憶

雜詩二首

張說

文粹十四下

三

卷之十

秋林

抱薰心恆焦舉旆心恆搖天長地自久歡樂能幾朝君看西陵樹  
歌舞爲誰嬌  
問子青霞意何事留朱軒自言心遠俗未始迹辭喧過蒙良時幸  
側息更途煩簪纓非宿好文史棄前言夕卧北窗下夢歸南山園  
白雲慚幽谷清風愧泉源十年茲賞廢佳期今復存挂冠謝朝侶  
星駕別君門

雜詩二首

儲光義

秋風一作氣肅天地太行高崔嵬猿猱清夜吟其聲一何哀寂寥掩  
圭華夢寐遊蓬萊琪樹遠亭亭玉堂雲中開洪崖吹簫管素玉一作  
女飄飄來雨師旣先後道路無纖埃鄙哉楚襄王獨好雲陽臺  
渾胚一作混沌本無象末路多是非達士志寥廓所在能忘機耕鑿時  
未至還山聊探薇虎豹對我蹲鸞鶴傍我飛仙人空中來謂我勿  
復歸格澤爲君駕雲霓爲君衣西遊崑崙墟可與世人違

雜感

鮑防

漢家海內承平久萬國戎王皆稽首天馬常銜苜蓿花胡人歲獻蒲萄酒五月荔枝初破顏朝離象郡夕函關鴈飛不到桂陽嶺馬走先過林邑山甘泉御果垂仙閣日暮無人香自落遠物皆重近皆輕雞雖有德不如鶴

雜言

司空圖

烏飛飛兔蹶蹶朝來暮去驅時節女媧祇解補青天不解煎膠黏日月

雜詩

獨孤及

百花結成子春物捨我去流年惜不得獨坐一作立空閨暮心自有所待甘爲物華誤未必干黃金買得人一顧

雜諷九首

陸龜蒙

紅蠶緣枯桑青繭大如甕人爭捩其臂羿矢亦不中微微待賢祿一一希入夢縱操上古言口噤難卽貢蛟龍在怒水拔取牙角弄丹穴如可游家畜孤鳳凶門尙兒戲戰血波湏溶社鬼苟有靈

誰能遏秋勳

文粹十四下

四

松林

童廩來觸犀德力不相及伊無愜心事祇有碎首泣況將鵬蝨校數又百與十攻如餓鴟叫勢若脫兔急斯爲朽關鍵怒舉挾以入年來橫干戈未見拔城邑得非佐饗者齒齒待啜汗羈維豪傑輩四駭方少繫此皆乘時利縱舍在呼吸吾欲斧其吭無雷動幽螿歌鴉慘于冰陸立懷所適斯人道仍闕不得不鳴呃當時布衣士亦作天子客至今東方生滿口自誇白終爲萬乘交談笑無所隔致君非有書乃是堯舜畫祇令侯門峻日掃貧賤迹朝趨九韶音寡列五鼎食如聞恭儉語饗饗事夕惕可拍伊牧肩功名被金石赤石可燒城讒邪易爲伍詩人疾之甚取俾投豺虎長風吹窾木始有音韻吐無木亦無風笙簧由喜怒女媧鍊五石天缺猶可補當其利口銜罅漏不復數元精遺萬類雙目如牖戶非是旣相參重腫亦爲瞽

東南有狂兇獵者西北矢利塵白冥冥獨此清夜止無人語其事

偶坐窺天紀安得東壁明  
洪洪用墳史搜揚好古士  
一以罄雲水流堪灑菁英  
風足去稗秕如能出奇計  
坐可平賊壘徐陳義皇道  
高駕太平軌攬疏成特雄  
濯垢爲具美貢賢當上賞  
景福視所履永播南薰音  
垂之萬年耳

有藥何青青空城雪霜裏  
千林盡枯槁苦節獨不死  
他遭匠石顧總入礪黃美  
遂得保天年私心未爲恥  
高從宿梟怪下亦容螻蟻  
大厦若榆材亭亭託君子

左右佩劍者彼此亦相笑  
趨時與閉門喧寂不同調  
潛機取聲利自許臻乎妙  
志士以神窺慚然真可弔  
天之發遐籟大小隨萬竅  
魁其鑪冶姿形質惟所召  
戮笙磬竽瑟是必登清廟  
伊聖不可欺誰能守蓬藿

橫笛喝秋風清商入疏越  
君居不夜城肯怨孤戍月  
吳兵甚犀利太白光突兀  
日已費千金瘴聞侵一撥  
豈無惡年少縱酒遊俠窟  
募爲敢死軍去以梟叛卒  
豈無中林士貫穿學問骨  
兵法五十家

文粹十四下

五

浩蕩如溟渤高懸鹿皮睡  
清澗時依樾分已諾煙霞  
全遺事干謁既非格猛獸  
未可輕華髮北面師其謀  
幾能止征伐何妨秦董勇  
又有曹劇說堯舜尙詢芻  
公乎聽無忽

朝爲壯士歌暮爲壯士歌  
壯士心獨苦傍人謂之何  
古鐵久不快倚天無處磨  
將來易水上猶足生寒波  
捷可搏飛狄健能超囊駝  
羣兒被堅利索手安憑河  
驚飆掃長林直木謝檣科  
嚴霜凍大澤僵龍不如蛇  
昔者天血碧吾徒安歎嗟

感興

崔膺

富貴難義合困窮易感恩  
古來忠烈士多出貧賤門  
世上樹桃李但結繁華子  
白屋抱關人青雲壯心死  
本以勢利交勢盡交情已  
如何失情後始歎門易軌

遣興三首

杜甫

蟄龍三冬卧老鶴萬里心  
昔時賢俊人未遇猶視今  
嵇康不得死孔明有知音  
又如壠底松用捨在所尋  
大哉霜雪幹歲久爲枯林

昔者龐德公未曾入州府襄陽者舊聞處士節獨苦豈無濟時容  
終竟畏羅罟林茂鳥有歸水深魚知聚舉家隱鹿門劉表焉得取  
蓬生非無根漂蕩隨高風天寒落萬里不復歸本叢客子念故宅  
三年門巷空悵望但烽火戎車滿關東生涯能幾何常在羈旅中

寓言二首

賈至

凜凜秋閨夕綺羅知早寒玉砧調鳴杵始搗機中欸憶昨別離日  
桐花覆井欄今來思君時白露盈階溥聞有關河信欲寄雙玉盤  
玉以委貞心盤以薦嘉餐嗟君在萬里使妾衣帶寬  
春草紛碧色佳人曠無期悠哉千里心欲采商山芝歎惜良會晚  
如何桃李時懷君晴川上佇立夏雲滋

寓興

賈島

莫居暗室中開目閉目同莫趨碧霄路容飛不容步暗室亦可居  
碧霄未可趨勸君跨仙竹日下雲為衢

寓興

歐陽詹

文粹十四下

六

小文

介三

桃李有奇質樛櫟無妙姿皆承慶雲沃一種春風吹美惡苟同歸  
喧囂徒爾為相將任立造聊醉手中卮

不欺

賈島

上不欺星辰下不欺鬼神知心兩如此然後何所陳食魚味在鮮  
食蓼味在辛掘井須到流結交須到頭此語誠不謬敵君三萬秋

辯士

辯士多毀譽不聞談己非猛虎恣殺暴未常齧妻兒此理天所惑  
所惑當問誰求食飼雛禽吐出美言詞善哉君子人揚光掩瑕疵

新昌里

姚合

舊客長樂坊井泉濁而鹹新居新昌里井泉清而甘僮僕慣苦飲  
食美翻憎嫌朝朝忍飢行戚戚如難堪中下無正性所習便淫耽  
一染不可變甚於茜與藍近貧日益廉近富日益貪以此當自警  
慎勿信邪讒

口號

賈島

中夜忽自起汲此百尺泉林木含白露星斗在青天

絕句

海底有明月圓於天上輪得之一寸光可買千里春

悲短一作歌三首并序

顧況

情思發動聖賢所不免也故師乙陳其宜延陵審其音理亂之所經王化之所興信無逃聲豈徒文彩之麗遂作歌以悲之

城邊路今日犁田昔人墓岸上沙昔時江水今人家今人昔人共長歎四氣相催節迴換明月皎皎入華池白雲離離度青漢我欲昇天天隔霄我欲渡水水無橋我欲上山山路險我欲汲井井泉遙越人翠被今何夕獨立沙邊江草碧紫燕西飛欲寄書白雲何處逢來客

新繫青絲百尺繩心在君家轆轤上我心皎潔君不知轆轤一轉一惆悵何處春風吹曉幕江南溼水通朱閣美人二八顏如花泣向春風畏花落臨春風聽春鳥別時多見時少愁人一夜不得眠

文粹十四下

七

瑤井玉繩相對曉

軒轅皇帝初得仙鼎湖一去三千年周流三十六洞天洞中日月星辰聯騎龍駕景遊八極軒轅弓劍無人識東海青童寄消息

美人

陸龜蒙

美人抱瑤瑟哀怨彈別鶴雌雄南北飛一旦異栖託諒非金石性安得宛如昨生爲並蒂花亦有先後落秋林對斜日光景自相薄猶欲悟君心朝朝佩蘭若

客思

楊敬之

禾黍正離離南國翦白芝細腰沈趙女高髻唱蠻姬路愧前岡月梳慚一領絲鄉心不可語獨念畏人知

感事

陸龜蒙

將軍被絞函祇畏金矢鏃豈知讒箭利一中成赤族古來信實舌巧韻淒鏘曲君聞悅耳音盡日聽不足初因起豪髮漸可離骨肉所以賢達心求人須任目

寓言

孟郊

誰言碧山曲不廢青松直誰言濁水泥不污明月色我有青松心  
俗騁風霜力貞明既如此摧折安可得

汾陰行

李嶠

君不見昔日西京全盛時汾陰后土親祭祠齋宮宿寢設厨供撞  
鍾鳴鼓樹羽旗漢家四葉才且雄賓筵萬靈朝九戎柏梁賦詩高  
宴罷詔書法駕幸河東河東太守親掃除奉迎至尊導鑾輿五營  
夾道列容衛三河縱觀空里閭回旌駐蹕降靈場焚香奠醑邀百  
祥金鼎發色正焜煌靈祇煒燁攄景光埋玉陳牲禮神畢舉塵上  
馬乘輿出彼汾之曲嘉可遊木蘭為楫桂為舟櫂歌微吟綵鷁浮  
簫鼓哀鳴白雲秋歡娛宴洽賜羣后家家復除戶牛酒聲明動天  
樂無有千秋萬歲南山壽自從天子向秦關玉輦金車不復還珠  
簾羽帳長寂寞鼎湖龍髯安可攀千齡人事一朝空四海為家此  
路窮雄豪意氣今何在壇場宮館盡蒿蓬路逢古老長歎息世事  
回環不可測昔時青樓對歌舞今日黃埃聚荆棘山川滿目淚沾  
衣富貴榮華能幾時不見祇今汾水上唯有年年秋鴈飛

文粹十四下

八

八月五日歌

顧況

四月八日明星出摩耶夫人降前佛八月五日佳氣新昭成太后  
生聖人開元九年燕公說奉詔聽置千秋節丹青廟裏貯姚宋花  
萼樓中宴岐薛清樂靈香幾處聞鸞歌鳳吹動祥雲已於武庫見  
靈鳥仍向晉山逢老君率土溥天無不樂河清海宴窮寥廓梨園  
弟子傳法曲張果先生進仙藥玉座淒涼遊帝京悲翁迴首感承  
明雲韶九奏杳然遠唯有五陵松柏聲

三鄉驛伏觀立宗望女儿几山詩小臣斐然有感

劉禹錫

開元天子萬事足惟惜當時光景促三鄉陌上望仙山歸作霓裳  
羽衣曲仙心從此在瑤池三清八景相追隨天上忽乘白雲去世  
間空有秋風辭



江南遇天寶樂叟

白居易

白頭病叟泣且言祿山未亂入梨園能彈琵琶和法曲多在華清  
隨至尊是時天下太平久年年十月坐朝元千官起居環佩合萬  
國會同車馬奔金鈿照耀石甕寺蘭麝薰溫湯源貴妃宛轉侍  
君側體弱不勝珠翠繁冬雪飄緜錦袍暖春風蕩漾霓裳翻歡娛  
未足燕寇至弓勁馬肥胡語喧幽土人遷避夷狄鼎湖龍去哭軒  
轅從此漂淪到南土萬人死盡一身存秋風江上浪無限暮雨舟  
中酒一樽涸魚久失風波勢枯草曾霑雨露恩我自秦來君莫問  
驪山渭水如荒村新豐樹老籠明月長生殿暗鎖黃昏一作紅葉  
紛紛葢欲瓦綠苔重重封壤垣唯有中官作宮使每年寒食一開  
門

連昌宮辭

元稹

連昌宮中滿宮竹歲久無人森似東又有牆頭千葉桃風動落花  
紅蔽蔽宮邊老人為余泣少年進食因曾入上皇正在望仙樓太

文粹十四下

九

真同凭欄千立樓上樓前盡珠翠炫轉熒煌照天地歸來如夢復  
如癡何暇備言宮裏事初過寒食一百六店舍無煙宮樹綠夜半  
月高弦索鳴賀老琵琶定場屋力士傳呼覓念奴念奴潛伴諸郎  
宿須臾覓得又連僮特敕街中許燃燭春嬌滿眼垂紅綰掠削雲  
鬢旋妝束飛上九天歌一聲二十五耶吹管逐逡巡大徧梁州徹  
色色龜茲轟錄續李暮摩笛傍宮牆偷得新翻數般曲念奴天寶  
禁樓下福宴累日之後萬里監嚴安之幸黃裳薛易而不能  
歌邪王二十五吹之小管逐看人能聽否未嘗置在宮中其為  
當時所重也如此然不飲奪俠遜之盛未嘗置在宮中其為  
歲幸溫湯時巡東洛有司潛遣從行而已又玄宗幸上陽宮夜後  
夕新翻一曲屬明夕正月十五日密捕笛者詐驗之自云某以其  
天津橋上款月聞宮中奏曲愛其新聲遂於天津橋柱以爪畫諸  
年李暮也玄宗與之賜物遣去少平明大駕發行宮萬人鼓舞途  
路中百官隊仗避岐薛楊氏諸姨車鬪風明年十月東都破御路  
猶存祿山過驅合供頓不敢藏萬姓無聲淚潛墮兩京定後六七  
年卻尋家舍行宮前莊園燒盡有枯井行宮門閉樹宛然爾後相

傳六皇帝不到離宮門久閉往來年少說長安立武樓成花萼廢  
去年敕使因斫竹偶值門開暫相逐荆榛櫛比塞池塘狐兔驕癡  
緣樹木舞榭欹傾基尚在文窗窈窕紗猶綠塵埋粉壁舊花鈿烏  
啄風箏碎珠玉上皇偏愛臨砌花依然御榻臨階斜蛇出燕巢盤  
鬪棋菌生香案正當衙寢殿相連端正樓太真梳洗樓上頭晨光  
未出簾影黑至今反挂珊瑚鉤指向傍人因慟哭卻出宮門淚相  
續自從此後還閉門夜夜狐狸上門屋我聞此語心骨悲太平誰  
致亂者誰翁言野父何分別耳聞眼見爲君說姚崇宋璟作相公  
勸諫上皇言語切變理陰陽禾黍豐調和中外無兵戎長官清平  
太守好揀選皆言由相公開元之末姚宋死朝廷漸漸由妃子祿  
山宮裏養作兒虢國門前鬧如市弄權宰相不記名依稀憶得楊  
與李廟謨顛倒四海搖五十年來作瘡痂今皇神聖丞相明詔書  
纔下吳蜀平官軍又取淮西賊此賊亦除天下寧年年耕種宮前  
道今年不遣子孫耕老翁此意深望幸努力廟謨休用兵

文粹十四下

十

感興

李涉

隋氏造宮闕峨峨倚雲煙搜奇竭四海立制謀千年秦兵半夜來  
烈火焚高臺萬人聚筋血一旦爲塵埃君看汴河路尙說隋家柳  
但聞哭陵人秋草沒來久

玉華宮

杜甫

谿迴松風長蒼鼠竄古瓦不知何王殿遺構絕壁下陰房鬼火青  
壞道哀湍瀉萬籟眞笙竽秋色正蕭灑美人爲黃土況乃粉黛假  
當時侍金輿故物獨石馬憂來藉草坐浩歌淚盈把冉冉征途間  
誰是長年者

至開化里壽春公故宅

韋應物

寧知府中吏故宅一徘徊歷階存往敬瞻位泣餘哀廢井沒荒草  
陰牖生綠苔門前車馬散非復昔時來

杜秋娘詩

并序

杜牧

杜秋金陵女也年十五爲李錡妾後錡叛滅籍之人宮有寵於景

陵穆宗卽位命秋爲皇子傅姁皇子壯封漳王鄭注用事誣丞相  
欲去己者指王爲根王被罪廢削秋因賜歸故鄉予過金陵感其  
窮且老爲之賦詩

京江水清滑生女白如脂其間杜秋者不勞朱粉施老溲卽山鑄

後庭千蛾眉秋持玉斝醉與唱金縷衣勸君莫惜金縷衣須

折李錡無花空折漚旣白首叛秋亦紅淚滋吳江落日渡灞岸綠

楊垂聯裾見天子盼眄獨依依椒壁懸錦幕鏡奩蟠蛟螭低鬟認

新寵窈窕復融怡月上白璧門桂影涼參差金階露新重間捻紫

簫吹晉書盜開涼州張葶苈苦夾城路南苑鴈初飛紅粉羽林仗獨

賜辟邪旗歸來煮豹胎饜飫不能飽咸池昇日慶銅雀分香悲雷

音後車遠事往落花時燕裊得皇子壯髮綠綵綵畫堂授傅姆天

人親捧持虎睛珠絡襪金盤犀鎮帷長楊射熊罴武帳弄啞咿漸

拋竹馬戲稍出舞雞奇斬鞞整冠佩侍宴坐瑤池眉宇儼圖畫神

秀射朝輝一尺桐偶人江充知自欺王幽茅土削秋放故鄉歸甌

文粹十四下

十二

稜拂斗極迴首尙遲遲四朝三十載似夢復疑非潼關識舊吏吏  
髮已如絲卻嘆吳江渡舟人爭得知歸來四鄰改茂苑草菲菲青  
血灑不盡仰天知問誰寒衣一匹素夜借鄰人機我昨金陵過聞  
之爲獻歛自古皆一貫變化安能推夏姬滅兩國逃作巫臣妻西  
子下姑蘇一舸逐鴟夷織室魏豹伴作漢太平基誤置代籍中兩  
朝尊母儀光武紹高祖本係生唐兒珊瑚破高齊作婢春黃糜蕭  
后去揚州突厥爲閼氏女子固不定士林亦難期射鈎後呼父釣  
翁王者師無國要孟子有人毀仲尼秦因逐客令柄歸丞相斯安  
知魏齊首見斷箕中屍給喪蹶張輩廊廟冠峨危珥貂七葉貴何  
妨戎虜支蘇武卻生返鄧通終死飢主張旣難測翻覆亦其宜地  
盡有何物天外復何之指何爲而捉足何爲而馳耳何爲而聽目  
何爲而窺己身不自曉此外何思惟因傾一樽酒題作杜秋詩愁  
來獨長詠聊可以自貽

文粹卷第十四下

文粹十四下

三

介三

文粹卷第十四下

文粹卷第十五上

吳興 姚鉉 纂

詩七 總五十九首

古調歌篇三

懷古

四皓詩 李白

潁陽東谿懷古 崔暉

登郭隗臺 皇甫松

歸沛縣道中晚泊留侯城 劉長卿

鴻門醜 王敦

古泉驛 張說

嚴子陵釣臺下作 權德輿

吳中懷古 劉駕

故絳行 杜頌

文粹十五上

郢城懷古 李百藥

題西施浣紗石 胡幽貞

鄴城懷古 孟雲卿

懷賢

三君詠三首 高適

七愛詩六首 皮日休

陽城驛 元稹

集會

奉同徐侍郎五雲溪新亭重陽宴集作 蜀孤及

高軒過 李賀

郡中與諸文士讌集 韋應物

淮南秋夜呈周侑 李崧

夜飲東亭 宋之問

讌客辭 張籍

過賈六 蘇晉

餞送

送渾將軍出塞 高適

送郭大夫再使吐蕃 張說

送張舍人之江東 李白

吳興送梁補闕歸朝賦得荻花 朱長文

送周愿判官歸嶺南 姚係

送韓愈從軍 孟郊

送王昌齡赴江寧 岑參

送李十一尉臨谿 常建

奉送韋起居老舅百日假滿歸嵩陽舊居 權德輿

送從叔簡 孟郊

感別從叔簡再東歸

送弟郢東歸

文粹十五上

盧十五竹亭送姪偁歸山 揚衡

送李觀韓愈別兼獻張徐州 孟郊

送狄宗亨 王昌齡

送孟浩然之廣陵 李白

送客 陳子昂

送唐次 武元衡

送皇甫湜赴舉 馬異

送張宗原 姚合

送綦母潛落第還鄉 王維

送暨道士還玉清 李頎

淇上別趙仙舟 王維

送沈秀才下第東歸 賈島

崔九弟欲往南山馬上口號與別 王維

同前 裴迪

留別王維

崔興宗

贈別沈四逸人

高適

送盧策歸別墅

孟郊

送柳渚入關

四皓詩

李白

白髮四老人昂藏南山側  
偃臥松雪閒冥翳不可識  
雲窗拂青霽石壁橫翠色  
龍虎方戰爭於焉自休息  
秦人失金鏡漢祖昇紫極  
陰虹濁太陽前星遂淪匿  
一行佐明兩歛起生羽翼  
功成身不居舒卷在霄臆  
宵冥合元化茫昧信難測  
飛聲塞天衢萬古仰遺跡

潁陽東谿懷古

崔曙

靈谿氛霧歇皎鏡清心顏  
空色不映水秋聲多在山  
世人久疏曠萬物皆自閒  
白鷺寒更浴孤雲晴未還  
昔時讓王者此地閉玄關  
無以躡高步淒涼岑壑閒

登郭隗臺

皇甫松

文粹十五上

三

燕相謀在茲積金黃魏巍上者欲何顏  
使我千載悲

歸沛縣道中晚泊留侯城

劉長卿

訪古此城下子房安在哉  
白雲去不返危堞空崔嵬  
伊昔楚漢時頗聞經濟才  
運籌風塵下能使天地開  
蔓草日已積長松日已摧  
功名滿青史祠廟唯蒼苔  
百里暮程遠孤舟川上迴  
進帆東風便轉岸前山來  
楚水澹相引沙鷗閒不猜  
扣舷從此去延首仍徘徊

鴻門醜

王叡

寰海沸兮爭戰苦風雲愁兮會龍虎  
四百年漢欲開基項莊一劍何虛舞  
殊不知人心去暴秦天意歸眞主  
項王足底踏漢土席上相看渾未悟

古泉

驛於陵仲子宅也

張說

昔聞陳仲子守義辭三公  
身質妻織屨樂亦在其中  
豈無窮賤苦羞與傾巧同  
長白臨河上於陵入濟東  
我今行至此感歎石泉空

巖子陵釣臺下作

權德輿

絕頂聳蒼翠清湍石磷磷先生晦其中天子不得臣心靈棲顛氣  
纓冕猶緇塵不樂禁中卧卻歸江上春潛驅東漢風日使薄者醇  
焉用佐天子持此報故人則知大賢心不獨私其身弛張有深致  
耕釣陶天真柰何清風後擾擾論屈伸交情同市道利欲相紛綸  
我行訪遺臺仰古懷逸民矰繳鴻鵠遠雪霜松桂新江流去不窮  
山色凌秋晏人世自今古清輝照無垠

吳中懷古

劉駕

句踐飲膽日吳王酒滿盃笙歌入海雲聲自姑蘇來西施舞初罷  
侍兒整金釵眾女不敢妒自比泉下泥越鼓聲騰騰吳天隔塵埃  
難將甬東地更學會稽棲霸跡一朝盡草中棠梨開

故絳行

杜頴

君不見銅鞮觀數里城池已蕪漫君不見禱祈宮幾重臺榭亦微  
濛介馬兵車全盛時歌童舞女妖豔姿一代繁華皆共絕九原唯  
望冢壘纍

文粹十五上

四

鄧城懷古

李百藥

客心悲暮序登壙瞰平陸林澤宵芊緜山川鬱重複王公資設險  
名都拒江隩方城次北門溟海窮南服長策挫吳豕雄圖競周鹿  
萬乘重沮漳九鼎輕伊穀大蒐雲掩壯觀章華築人世更盛衰  
吉凶良倚伏遽見鄰交斷仍覩賢臣逐南風忽不競西師日侵蹙  
運圯屬馳驅時屯恣敲扑莫救夷陵火無復秦庭哭鄧郢遂邱墟  
風塵俄慘躡狐兔時遊踐霜露日霑沐釣渚故池平神臺層宇覆  
陣雲埋夏首窮陰慘荒谷悵矣舟壑遷悲哉年祀條雖異三春望  
終傷千里目

題西施浣紗石

胡幽真

一朝入紫宮萬古遺芳塵至今溪邊花不敢嬌青春

鄴城懷古

孟雲卿

朝發淇水南將尋北燕路魏家舊城闕寥落無人住伊昔天地屯  
曹公獨中據羣臣將北面白日忽西暮三臺竟寂寞萬世難長固



雄豪安在哉，衰草露霜崔嵬。長河北尚想，應劉墓古樹藏龍地。  
荒茅伏狐兔，永懷故池館。數子連章句，逸興驅山河。雄辭變雲霧，  
我行覩遺跡。精爽如可遇，斗酒將醉君。悲風白楊樹。

三君詠并序

高適

開元中適游於魏郡北，有故太師鄭公舊館。里有故尚書郭公遺業，邑外又有故太守狄公生祠焉。覩物增懷，遂爲三君詠。

魏鄭公微

鄭公經綸日，隋氏風塵昏。濟代取高位，逢時敢直言。道光先帝業，  
義激舊君恩。寂寞臥龍處，英靈千載魂。

郭代公元振

代公實英邁，津涯浩難識。權兵抗矯徵，仗節歸有德。縱橫負才智，  
顧盼安社稷。流落勿重陳，懷哉爲悽惻。

狄梁公仁傑

梁公乃貞固，勳烈垂竹帛。昌言太后朝，潛運儲皇策。待賢開相府，  
文粹十五上

其理登方伯，至今青雲人猶是門下客。

七愛詩并序

皮日休

皮子之志常以真純自許，每謂立大化者必有真相。以房杜爲真，  
相焉。定大亂者必有真將，以李太尉爲真將焉。做大君者必有真  
隱，以盧徵君爲真隱焉。鎮滄俗者必有真吏，以元魯山爲真吏焉。  
負逸氣者必有真放，以李翰林爲真放焉。爲名臣者必有真才，以  
白太傅爲真才焉。嗚呼！吾之道時邪，行其事也。在乎愛忠矣，不時  
耶，行其事也。亦在乎愛忠矣，苟有心歌詠者，豈徒然哉。

房杜二相國

吾愛房與杜，貧賤其聯步。脫身拋亂世，策杖歸真主。縱橫握中算，  
左右天下務。翫讎無敵才，磊落不世遇。美矣名公卿，魁然真宰輔。  
黃閣三十年，清風一萬古。巨業照國史，大勳鎮王府。遂使後世民，  
至今受陶鑄。粵吾少有志，敢躡前賢路。苟得同其時，願爲執鞭豎

李太尉晟

吾愛李太白崛起定中原  
驍雄十萬兵四面圍國門  
一戰收三畿一叱散妖氛  
乘輿旣反正凶豎爭亡魂  
魏巍柱天功蕩蕩蓋世勳  
仁於曹孟德勇過霍將軍  
丹券入帑藏青史傳子孫  
所謂大丈夫動合驚乾坤  
所謂聖天子難得忠貞臣  
下以契魚水上以合風雲  
百世必一亂千年方一人  
吾雖翰墨子氣槩敢不羣  
願題向甘泉春

盧徵君 鴻

吾愛盧徵君高卧嵩山裏  
百辟未一顧三徵方暫起  
坦腹對宰相岸幘揖天子  
建禮門前吟金鑿殿裏  
醉天下皆舖糟徵君獨絜己  
天下皆樂聞徵君獨洗耳  
天下皆懷羞徵君獨多恥  
銀黃不妨縣赤紱不妨被  
而於心抱中獨作羲皇地  
盤輦一云返泥詔褒不已  
再看縱山雲重酌嵩陽水  
放曠書裏終遙醉中死  
吾謂伊與周不若徵君貴  
吾謂巢與許不若徵君義  
高名無階級逸迹絕涯涘  
萬世唐書中逸名不可比  
粵吾慕真隱彊以骨肉累  
如教不爲名敢有徵君志

文粹十五上

六

元魯山

吾愛元紫芝清介如伯夷  
輦母遠之官宰邑無點疵  
三年魯山民豐稔不暫飢  
三年魯山吏清慎各自持  
只飲魯山泉只採魯山薇  
一室冰蘂苦四遠聲光飛  
退歸舊隱來斗酒入茅茨  
雞黍匪家畜琴尊常自怡  
盡日一菜食窮年一布衣  
清似匣中鏡直如琴上絃  
世無用賢人青山生白髭  
既卧黔婁衾空立陳寔碑  
吾無魯山道空有魯山辭  
所恨不相識援豪空涕垂

李翰林

吾愛李太白身是酒星魄  
口吐天上文跡作人間客  
礪砢千丈林澄澈萬尋碧  
醉中草樂府十幅筆一息  
召見承明廬天子親賜食  
醉曾吐御牀傲幾觸天澤  
權臣如逸才心如斗筭窄  
失恩出內署海岳甘自適  
刺謁戴接離赴宴着戴展  
諸侯百步迎明君九天憶  
竟遭腐脅疾醉魄歸八極  
大鵬不可籠大椿不可摘  
蓬壺不可見

姑射不可識五岳爲辭鋒四溟作胃臆情哉千萬年此俊不可得

白太傅

吾愛白樂天逸才生自然誰爲詞翰器乃是經濟賢欲從浮豔詩  
作得典誥篇立身百行足爲文六藝全清望逸內署直聲驚諫垣  
所刺必有思所臨必有傳忘形任詩酒寄傲徧林泉所望握文柄  
所希持化權何期遇訾毀中道多左遷天下皆汲汲樂天獨怡然  
天下皆悶悶樂天獨舍旃高吟辭兩掖清嘯罷三川處世似孤鶴  
遺榮同蛻蟬仕若不得志可爲龜鏡焉

陽城驛

元稹

商有陽城驛名同陽道州陽公沒已久感我淚交流昔公孝父母  
行與曾閔儔旣孤善兄弟兄弟和且柔一夕不相見若懷三歲憂  
遂是不婚娶沒齒同衾稠妹夫死他縣遺骨無人收公令季弟往  
公與仲弟留相別竟不得三人同遠遊共負他鄉骨歸來藏故邱  
棲遲居下邑邑人無苟偷里中競長短來問劣與優官刑一朝恥

文粹十五上

七

公短終身羞公亦不遺布人自不盜牛問公何德爾忠信先自修  
發言當道理不顧黨與讎聲香漸翕習冠蓋若雲浮少者從公學  
老者從公游往來相告報縣尹與君侯各落公卿口湧如波薦舟  
天子得聞之書下再三求書中願一見不異旱地蚪何以持爲聘  
東帛藉琳球何以持爲御駟馬駕安駟公方伯夷操事殷不事周  
我實唐士庶食唐之田疇我聞天子意安敢專自由來爲諫大夫  
朝夕侍冕旒希夷惇薄俗密勿獻良籌神醫不言術人瘼曾暗瘳  
月請諫官俸諸弟相對謀皆曰親戚外酒散目前愁公云不有爾  
安得此嘉猷施餘盡酌酒客來相獻酬日旰不謀食春深仍弊裘  
人心良感恩我樂獨油油貞元歲暮朝有曲如鉤風波勢奔蹙  
日光光綉繆齒牙屬爲猾禾黍暗生螿豈無司言者肉食吞其喉  
豈無司標者利柄扼其鞴鼻復勢氣塞不可辨薰蕕公雖未顯諫  
惴惴如患瘡飛章八九上皆若珠暗投炎炎日將熾積燎無人抽  
公乃率其屬決諫同報讎延英殿門外扣閣仍叩頭且曰事不止

臣諫誓不休上知不可遏命以美語酬降官司成署俾之爲贊  
姦心不快活擊刺礪戈矛終爲道州去天道悠悠遂合不言者  
反以言爲訛喉舌坐成木鷹鷲化爲鳩避權如避虎冠豸如冠猴  
平生附我者詩人稱好速私來一執手恐若墜諸溝送我不出戶  
決我不迴眸唯有太學生各具糧與餼咸言公去矣我亦去荒陬  
公與諸生別步步駐行騶有生不可訣行行遇閩歐爲師得如此  
得爲賢者不道州聞公來鼓舞歌且謳昔公居夏邑狎人如狎鷗  
況自爲刺史豈復援鼓桴滋彰一時罷教化天下適炎瘴不得老  
英華忽已愁有烏哭楊震無兒悲鄧攸唯餘門弟子列樹松與楸  
今來過此驛若弔羅洲祠曹諱羊祐此驛何不侔我願避公諱  
名爲避賢郵此名有深意蔽賢天所尤吾聞立元教日月冥九幽  
幽陰蔽賢者永爲幽翳囚

奉同徐侍郎五雲谿新亭重陽宴集作

獨孤及

文粹十五上

八

萬峯蒼翠色雙谿清淺流已符東山趣況值江南秋白露天地肅  
黃花門館幽山公惜美景肯爲芳尊留五馬照池塘繁絃催獻酬  
風前孟嘉帽乘興李膺舟騁望傲千古當歌遺四愁豈合永和人  
獨擅山陰遊

高軒過

李賀

華裾織翠青如蔥金環壓轡搖玲瓏馬蹏隱耳聲隆隆入門下馬  
氣如虹云是東京才子文章鉅公二十八宿羅心胷元精一作昭  
昭一作照質當中殿前作賦聲摩空筆補造化天無功厖眉書  
客感秋蓬誰知死草生華風我今垂翅附冥鴻他日不羞虵作龍

郡中與諸文士讌集

韋應物

兵衛森畫戟宴寢凝清香海上風雨至逍遙池閣涼痾疴正消散  
嘉賓復滿堂自慙居處崇未覩斯民康理會是非遣性達形迹忘  
鮮肥屬時禁蔬果幸見嘗俯飲一盃酒仰聆金玉章神歡體自輕  
意欲凌風翔吳中盛文史羣彥今汪洋方知大藩地豈曰才賦彊

淮南秋夜呈周偁

李巖

天淨河漢高夜閒  
砧杵發清秋  
忽如此離恨應難歇  
風亂池上螢  
露光竹閒月  
與君共遊處  
勿作他鄉別

夜飲東亭

宋之間

春水鳴大壑  
皓月吐層岑  
空壑景色佳  
慰我遠遊心  
閨芳足幽氣  
驚棲多眾音  
高興南山曲  
長謠橫素琴

讌客詞

張籍

上客不用顧金羈  
主人有酒君莫違  
請君看取園中花  
地上漸多枝  
上稀山頭樹影不見石  
谿水無風晚更碧  
人人齊醉起舞時  
惟覺翻衣與倒幘  
明朝花盡人已去  
此地獨來空繞樹

過賈六

蘇晉

主人病且閒  
客來情彌適  
一酌復一笑  
不知日將夕  
昨來屬歡遊  
於今盡成昔  
努力持所趣  
空名定何益

送渾將軍出塞

高適

文粹十五上

九

將軍族貴兵且強  
漢家已是渾邪王子孫  
相承在朝野  
至今部曲  
燕支下控弦  
盡用陰山兒  
臨陣常騎大宛馬  
銀鞍玉勒繡鞞孤  
每逐嫖姚破骨都  
李廣從來先將士  
衛青未肯學孫吳  
傳有沙場千  
萬騎  
昨日邊庭羽書至  
城頭畫角三四聲  
匣裏寶刀晝夜鳴  
意氣能甘萬里去  
辛勤判作動一作  
一年行黃雲  
白草無前後  
朝望旌旄夕刁斗  
塞下應多俠少年  
關西不見春楊柳  
從軍借問所從誰  
擊劍酣歌當此時  
遠別無輕繞  
朝策平戎早寄仲宣詩

送郭大夫再使吐蕃

張說

犬戎廢東獻  
漢使馳西極  
長策間曾渠  
猜阻自夷殲  
容髮徂邊歲  
旌裘弊海色  
五年一見家  
妻子不相識  
武庫兵猶動  
金方事未息  
遠圖待才智  
苦節輸筋力  
脫刀贈分手  
書帶加餐食  
知君萬里侯  
立功在異域

送張舍人之江東

李白

張翰江東去  
正值秋風時  
天晴一鴈遠  
海闊孤帆遲  
白日行欲暮

滄波杳難期吳洲如見月千里相思

吳興送梁補闕歸朝賦得荻花

朱長文

柳家汀洲孟冬月雲寒水清荻花發一枝持贈朝天人願比蓬萊殿前雪

送周愿判官歸嶺南

姚係

早蟬望秋鳴夜琴怨離聲眇然多異感值子江山行由來重義人感激事縱橫往復念遐阻淹留慕平生晨奔九衢餞暮始萬里程山驛風月樹海門烟霞城身納泉源近拾翠沙澗明蘭蕙一爲贈貧交空復情

送韓愈從軍

孟郊

志士感恩起變衣非變性親賓改舊觀僮僕生新敬坐作羣書吟行爲孤劍詠始知出處心不失平生正淒淒天地秋凜凜軍馬合驛塵時一飛物色極四靜王師旣不戰廟略在無競王粲有所依六瑜初應命一章諭檄明百萬心氣定今朝旗鼓前笑別大夫盛

文粹十五上

十一

送王大昌齡赴江寧

岑參

對酒寂不語悵然悲送君明時未能用白首徒攻文澤國從一官滄波幾千里羣公滿天闕獨去過淮水舊家富春渚常憶臥江樓自聞君欲行頗望南徐州窮巷獨閉門寒燈靜深屋北風吹微雪抱被肯同宿君行到京口正是桃花時舟中饒孤興湖上多新詩潛蚪且深蟠黃鶴飛來晚惜君青雲器努力加餐飯

送李十一尉臨谿

常建

泠泠花下琴君唱渡江吟天際一帆影預懸離別心以言神僊尉因致瑤華音迴軫撫商調越谿澄碧林

奉送韋起居老舅百日假滿歸嵩陽舊居

權德輿

威鳳翔紫氛孤雲出寥天奇彩與幽姿縹緲皆自然嘗聞陶唐氏亦有巢許全以茲聳風俗豈必效羈牽大君遂羣方左史蹈前賢振衣去朝市賜告歸林泉滑和固難久循性得所便有各皆畏途

無事乃眞空舊壑窮杳篠新潭漾淪漣巖花落又開山月缺復圓  
輕策逗蘿逕幅巾凌翠烟機閒魚鳥狎體和芝朮鮮四皓本避難  
二疏猶待年況今寰海清復此鬢髮玄顧慙纒上塵未絕區中緣  
齊竿終自退心寄嵩峯巔

送從叔簡

孟郊

長安離別道宛在東城隅寒草根未死愁人心已枯促促水上影  
遙遙天際途生隨昏曉中皆被日月驅北驥繞山岳南帆指江湖  
高蹤一超忽千里在須臾

感別從叔簡再東歸

去年車馬道高槐結浮陰下有名利人一人千萬心黃鶴共遠語  
滄溟無近濤苦苦靜退姿冷冷思歸吟菱唱忽生聽芸書迴望深  
清風散言笑餘花綴衣襟獨恨魚鳥別一飛將一沈

送弟郢東歸

爾去東南夜我無西北夢誰言貧別易貧別愁更重曉色奪明月

文粹十五上

十一

征人逐羣動春風楚濤高旅榜將誰共

楊衡

落葉寒擁壁清霜夜露石正是憶山時復送歸山客殷勤一樽酒  
曉月當牕白

送李觀韓愈別兼獻張徐州

孟郊

富別愁在顏貧別愁銷骨懶磨舊銅鏡畏見新白髮古樹春無花  
子規嘯有血離弦不堪聽一聽三四絕世途非一險俗慮各千結  
有客步大方驅車獨迷轍故人韓與李逸翰雙皎潔哀哉摧折歸  
贈詞縱橫設徐方國號在元戎天下傑禰生投刺遊王粲吟詩謁  
高情無遺照期抱開曉月有土不埋冤有讎皆爲雪願爲直草木  
永向君地列願爲古琴瑟永向君前發欲識丈夫心曾將孤劍說

送狄宗亨

王昌齡

秋在水清山暮蟬洛陽樹色鳴皋烟送君歸去愁不盡又惜空度  
涼風天

送孟浩然之廣陵

李白

故人西辭黃鶴樓烟花三月下揚州孤帆遠影碧山一作空盡唯見長江天際流

送客

陳子昂

故人洞庭去楊柳春風生相送河洲晚蒼茫別思盈白蘋已堪把綠芷復含榮江南多桂樹歸客贈生平

送唐次

武元衡

都門去馬嘶灞水東流淺青槐驛路長白日離亭晚望望煙景微草色行人遠

送皇甫湜赴舉

馬異

馬蹏聲特特去入天子國借問去是誰秀才皇甫湜含吐一腹文八音兼五色主文有崔李郁郁為朝德青銅鏡必明朱絲繩必直稱意太平年願子長相憶

送張宗原

姚合

文粹十五上

十一

東門送客道春色如死灰一客失意行十客顏色低住者既無家去者又非歸愁窮一成疾百藥不可治子賢我且愚命分不合齊誰開蹇躓門日日同遊栖子行何所之切切食與衣誰能買仁義令子無寒飢野田不生草四向生路岐士人甚商賈終日須東西鴻雁春北去秋風復南飛勉君向前路無失相見期

送綦母潛落第還鄉

王維

聖代無隱者英靈盡來歸遂令東山客不得顧采薇既至金門遠孰云吾道非江淮度寒食京洛縫春衣置酒長安道同心與我違行當浮桂櫂未幾拂荆扉遠樹帶行客孤城當落暉吾謀適不用勿謂知音稀

送醫道士還玉清

李頎

仙官有名籍度世吳江濱大道本無我青春長與君中州俄已到至理得而聞明主降黃屋時人看白雲空山何窈窕三秀日氤氳遂此留書客超遙煙駕分



淇上別趙仙舟

一作齊州  
送祖三

王維

相逢方一笑相送還成泣祖帳已傷離荒城復愁入天寒遠山淨  
日暮長河急解纜君已遙望君猶佇立

送沈秀才下第東歸

賈島

曲言惡者誰悅耳如彈絲直言好者誰刺耳如長錐沈生才俊秀  
心腸無邪欺君子忌苟合擇交如求師毀出嫉夫口騰入禮部闈  
下第子不恥遺才人恥之東歸家堂遠掉轡時參差浙雲近吳見  
汴柳接楚垂明年春光別迴首不復疑

崔九弟欲往南山馬上口號與別

王維

城隅一分手幾日還相見山中有桂花莫待花如霰

同前

裴迪

歸山深淺去須盡邱壑美莫學武陵人  
暫遊桃源裏

留別王維

崔興宗

駐馬欲分襟清寒御溝上前山景氣佳  
獨往還惆悵

文粹十五上

三

贈別沈四逸人

高適

沈侯未可測其況信浮沈十載常獨坐幾人知此心乘舟蹈滄海  
買劍投黃金世務不足煩有田西山岑我行遇知己遂得開清襟  
何意閩閩間沛然江海深疾風掃秋樹灑上多鳴砧耿耿尊酒前  
聯鴈飛愁音平主重離別感激對孤吟

送豆盧策歸別墅

孟郊

短松鶴不巢高石雲始棲君為蕭灑去性與雲鶴齊力買奇險地  
手開清淺溪身披薜蘿衣山陟莓苔梯一卷冰雪文避俗常自攜

送柳渚入關

青山輾為塵白日無閒人自古推高車爭利西入秦王門與侯門  
待富不待貧空齋一束書獨去誰相親

文粹卷第十五上

文粹卷第十五下

吳興 姚鉉 纂

詩八 總六十六首

古調歌篇四

行役

歧路 鮑溶

秋入關 賈馳

晨裝行 歐陽詹

蜀道後期 張說

蜀中將歸留辭韋相公 歐陽詹

襄陽路逢寒食 張說

巡邊在河北作

奉和左司員外先赴長安逢立春日贈韋侍郎等諸公 孫逖

初發太原至途中寄太原所思 歐陽詹

文粹十五下

西還至散關答喬補闕 陳子昂

剡谿行卻寄新別者 朱放

早發龍且館舟中寄東海李司倉鄭司戶 獨孤及

曉發 賀知章

月夜江行 權德輿

江行四首

江行 柳中庸

懷寄

新都南亭別郭大元振 盧崇道

寄侍御從舅 權德輿

秋暮山中寄李端公益 鮑溶

寄趙七侍御因敘疇年之素寄懷於篇 李華

偶題安州浮雲寺樓寄湖州張郎中 杜牧

魏州從事寄耿拾遺 姚合

洪州客舍寄柳博士芳

薛業

岳州張使君與王都督別詩二首因遙申和

韋嗣立

留別袁丞

王昌齡

舟行懷閩士和

釋皎然

秋山寄陳讜言

王昌齡

海上寄蕭五

獨孤及

夫懷鄭洎

孟遲

杼山禪居寄贈東溪吳處士

釋皎然

寄廬山隱者

楊衡

春夢

岑參

贈遠

陸龜蒙

河梁別

馬戴

有所思

盧仝

寄遠

李白

文粹十五下

寄遠

賈島

怨情

李白

生別離

白居易

別離

陸龜蒙

雜怨

張籍

春愁

韓琮

和贈遠

獨孤及

失意

傷歌行

張籍

遷謫江表久未歸

賈參

失志夜坐思歸楚江

孟郊

失意歸吳寄劉侍郎

苔李昌期

楊洵美

莫相疑行

杜甫

王夫子 白居易

孟先生詩 韓愈

徐十八晦落第 歐陽詹

疾病

溫泉莊臥病寄楊七炯 宋之問

夏中訓子述暈耀問病見贈 獨孤及

秋圃臥疾呈暉上人 陳子昂

傷悼

荅宋主簿兼貽平昔遊舊 盧藏用

對酒憶賀監三首 李白

哭立英方干先生 孫郜

弔王將軍墓 常建

國殤 孟郊

歧路

文粹十五下

三

鮑溶

北風送微寒徒侶勤遠程憂人席不暖殘月馬上明飄飄歧路開  
長見日初生重嶂曉色淺疏猿寒嘯清人閒多歧路常恐終身行  
迴見四方人車輪無停聲空谷亦堪隱下田非懶耕古人有遺訓  
飽食非親榮我生禮義鄉少小見太平聖賢猶羈旅况復非其名

秋入關

賈馳

河上微風來關頭樹初溼今朝關城更又見孤客入上國誰與期  
西來徒自急

晨裝行

歐陽詹

村店月西入山枝鳴鳩聲永裝徹夜席東囊事晨征寂寂人尙眠  
悠悠天未明豈無偃息心所務前有程

蜀道後期

張說

客心爭日月來往預期程秋風不相待先至洛陽城

蜀中將歸留辭韋相公

歐陽詹

靈體卽雲構方前恆玉食貧居豈及此要欲懷歸憶在夢關山遠

如流歲華通明晨首鄉路迢遞孤飛翼

襄陽路逢寒食

張說

去年寒食洞庭波今年寒食襄陽路不辭著處尋山水祇畏還家落春暮

巡邊在河北作

去年六月西河西今年六月北河北沙場積路何爲爾重氣輕生知許國人生在世能幾時壯年征戰髮如絲曾待安邊報明主作頌封山也未遲

奉和左司員外自洛使入京中路先赴長安逢立春日

贈韋侍郎等諸公

孫逖

拜耶登省闈奉使馳車乘遙瞻使者星便是郎官應臺妙時放言皇華德彌稱二陝聽風謠三秦望形勝此中睽友益是日多詩興寒盡歲陰催春歸物華證

忽視雲間數雁迴更逢山上一花開河邊淑氣迎芳草林下輕風

文粹十五下

四

八

待落梅秋憲府中高唱入春卿署裏和歌來其言東閣招賢地自有西征作賦一作才

初發太原途中寄太原所思

歐陽詹

鷗鳥覺漸遠迴頭長路塵高城已不見況復城中人去意自未甘居情諒猶辛五原東北晉千里西南秦一履不出門一車無停輪流萍與繫匏早晚期相親

西還至散關答喬補闕

陳子昂

歲甦蒼梧鳳嘹唳白露蟬羽翰非本匹結交何獨全昔君事胡馬余得奉戎旃攜手同沙塞關河緬幽燕芳歲幾陽止白日屢徂遷功業雲臺薄平生玉珮捐歎此南歸日猶聞北戍邊代水不可涉巴江亦潺湲攬衣度函谷銜涕望秦川蜀門自茲始雲山方浩然

剡溪行卻寄新別者

朱放

潺湲寒谿上自此成離別迴首望歸人移舟逢暮雪頻行識草樹漸老傷年髮唯有白雲心爲向東山月

早發龍且館舟中寄東海李司倉鄭司戶

獨孤及

沙禽相呼曙色分漁浦鳴榔十里聞正當秋風度楚水况值遠道  
傷離羣津頭卻望後湖岸別處已隔東山雲停爐目送北歸翼惜  
無瑤華持贈君

曉發

賀知章

江皋聞曙鐘輕棹理還舸海潮夜約約川露晨溶溶始見沙上鳥  
猶埋雲外峯故鄉杳無際明發懷朋從

峯外

原作故鄉杳無際江皋聞曙鐘始見沙上鳥猶埋雲

月夜江行

權德輿

扣舷不能寐浩露清衣襟彌傷孤舟夜遠結萬里心幽興惜瑤草  
素懷寄鳴琴三秦月初上寂寥寒江深

江行四首

曉

文粹十五下

五

曉風搖一作吹五兩殘月映石壁稍稍曙光開片帆在空碧

晝

孤舟漾暖景獨鶴下秋空安流日正晝淨淥天無風

晚

古樹夕陽盡空江暮靄收寂寥扣舷坐獨生千里愁

夜

猿聲到枕上愁夢紛難理寂寂深夜寒清霜落秋水

柳中庸

繁陰乍隱洲落葉初飛浦蕭蕭楚客帆暮入寒江雨

新都南亭別郭大元振

盧崇道

竹徑女蘿蹊蓮洲文石隄靜深人俗斷尋玩往還迷碧潭秀初月  
素林驚夕棲褰幌納鳥侶罷琴聽猿啼佳辰改宿昔勝寄坐睽攜

長懷賞心愛如玉復如珪

寄侍御從舅

初免職歸東山 權德輿

靡靡南軒蕙迎風轉芳滋落幽松百尺無附枝世物自多故  
達人心不羈偶陳幕中書未負林閒期感恩從慰薦循性難繫維  
野鶴無俗質孤雲多異姿清冷松露泫照灼巖花遲終當稅塵駕  
來就東山嬉

秋暮山中寄李端公益

鮑溶

舊事與日遠酒花仍舊香前年繡衣客此節過此堂侍臣不自高  
笑解繡衣裳眠雲有餘態入鳥不亂行我恐雲嵐色損君鞍馬光  
君言此何言且共覆前觴古人重一笑買日輕金裝日盡秉燭游  
千年不能忘君言此何言明日皆異鄉明日非今日下山道路長  
一從下山去天地再炎涼此中果難得夢君馬玄黃

寄趙七侍御自餘干谿行經弋陽至上饒山川幽麗思  
與雲卿同遊邈不可得因敘疇年之素寄懷於篇

李華

搖槩曙江流江晴山復重心愜賞未足川迴失前峯凌灘出極浦

文粹十五下

六

古

曠若天地通君陽青嵯峨開坼混元中九潭魚龍窟仙成羽人宮  
陰奧潛鬼物精光動煙紅玄猿嗥深艷竹樹深者為絕白鷗戲蔥  
蒙飛湍鳴金石激溜鼓雷風雨濯萬木鮮霞照千山濃草閒長餘  
綠花淨落幽紅渚煙見晨鈞山月聞夜香覆谿窈窕波涵石洶溶  
溶丹邱忽聚散素壁相奔衝白日破昏靄靈山出其東勢排吳蒼  
上氣壓吳越雄迴頸望雲卿此恨發吾衷昔日蕭邵遊四人纔成  
童華與趙七侍御聯故蕭十功曹頌士故邵十六衫未冠趙也屬  
學皆苦貧共弊同年三人登科頌次典校邵後及第趙中  
詞慕孔門入仕希上公緯卿陷非罪折我昆吾鋒  
茂挺獨先覺拔身渡京虹斯人謝明代百代墜鴻鵠  
東廣葬先人世故墜橫流與君哀路窮逆胡陷兩京華官往死  
逝于汝南貶肥州晉江尉趙天波洗其瑕朱衣備朝容  
節蒙恩逐殊封華肥州晉江尉趙天波洗其瑕朱衣備朝容  
拜補闕御史一別凡十年豈期復相從餘生得攜手遺此兩孱翁  
羣遷失鷲羽後凋惜長松衰旅難重別悽悽滿心胷遇勝悲獨遊  
貪奇悵孤逢禽尚彼何人胡為東樊籠吾師度門教投弁躡退蹤

題安州浮雲寺樓寄湖州張郎中

杜牧

去夏疏雨餘同倚朱欄語當時樓下水今日到何處恨如春草多  
事與孤鴻去楚岸柳何窮別愁紛若絮

魏州從事寄耿拾遺

姚合

少在兵馬閒長還繫戎職雞飛不得遠豈要生羽翼三年城中遊  
與君最相識應知我衷腸不苟念衣食主人樹勳名欲滅天下賊  
愚雖乏智謀願陳一夫力人生須氣健飢凍縛不得睡當一席寬  
覺乃千里窄古人不懼死所懼死無益至交不可合一合難離圻  
君嘗相勸勉苦語毒曾臆百年心知聞誰限河南北

洪州客舍寄柳博士芳

薛業

去年燕巢主人屋今年花發路傍枝年年爲客不到舍舊國存亡  
那得知胡塵一起天下亂何處春風無別離

子昔忝省閣與岳州張使君潭州王都督同官聯事後  
承朝譴各自東西張公與王都督別詩二首情頗殷切

文粹十五下

七

子覽以歎因遙申和云

韋嗣立

茂先王佐才作牧楚江隈登樓正欲賦復遇仲宣來黃鵠飛將遠  
雕龍文爲開寧知昔聯事聽曲有餘哀  
昔時陪二賢纓冕會神仙一去馳江海相逢共播遷無因千里駕  
忽覩四愁篇覽諷歎何已歎終徒愴然

留別武陵袁丞

王昌齡

皇恩斃遷謫待罪逢知己從此武陵谿孤舟二千里桃花遺古岸  
金澗流春水誰識馬將軍忠貞抱生死

舟行懷閩士和

釋皎然

二月湖南春草徧橫山渡口花如霞相思一日在孤舟空見歸雲  
三兩片

秋山寄陳讜言

王昌齡

巖開寒事早眾山木已黃北風何蕭蕭茲夕露爲霜感激未能寐  
中宵時慨慷草蟲初悲鳴玄鳥去我梁獨臥時易晚離羣情更傷



思君若不及鴻鴈今南翔

海上寄蕭五

獨孤及

朔風剪寒草露日夜結行行屈瀛壖歸思生暮節驛樓見萬里  
延首望遼碣遠海入大荒平蕪際窮髮舊國在夢想故人胡且越  
契闢阻風期荏苒成雨別海西望京口兩地各天末索居動經秋  
再笑知曷月日窮南望盡唯見飛鳥滅音塵未易得何以慰飢渴

懷鄭洎

孟遲

風蘭舞幽香雨葉墮寒滴美人來不來前山看向夕

杼山禪居寄東谿吳處士

釋皎然

青雲何潤澤下有賢人隱路入菱湖深跡與黃鶴近野風吹白芷  
山月搖清軫詩祖吳叔庠到君才不盡身當青山秀詩曰家住青  
山下青山有  
吳均故宅後  
改爲吳均山  
至今罕知名昔賢敦師友此道獨君行既得盧霍趣乃高雷遠情  
別時春風多掃盡雪山雪爲君中夜起孤坐石上月悠然遺塵想

文粹十五下

入

心序

邈矣達性說故人不在茲幽桂惜未結

宿吉祥寺寄廬山隱者

楊衡

風鳴雲外鐘鶴宿千年松相思杳不見月出山重重

春夢

岑參

洞庭昨夜春風起遙憶美人湘江水枕上片時春夢中行盡江南  
數千里

贈遠

陸龜蒙

茱萸匣中鏡欲照心還懶木是細腰人別來羅帶緩從君出門後  
不奏雲和管妾思冷如簣時時望君暖心期夢中見路永魂夢短  
怨坐泣西風秋窗月華滿

河梁別

馬戴

河梁送別者行哭半非親此地足征戰胡天多殺人金罍照離席  
寶瑟凝殘春

有所思

盧仝

當時我醉美人家，美人顏色嬌如花。今日美人棄我去，青樓珠箔天之涯。天涯娟娟常娥月，三五二八盈又缺。翠眉蟬鬢生別離，一望一見心斷絕。心斷絕，幾千里。夢中醉臥巫山雲，覺來淚滴湘江。水湘江，兩岸花木深。美人不見愁人心，含愁更奏綠綺琴。調高弦絕，無知音。美人兮，美人不知爲暮雨，兮爲朝雲。相思一夜梅花發，忽到窗前疑是君。

寄遠一作長

李白

美人在時花滿堂，美人去後餘空牀。牀中繡被卷不寢，至今三載聞餘香。香亦竟不滅，人亦竟不來。相思黃葉落，白露點青苔。

寄遠

賈島

別腸多鬱紆，豈能肥肌膚。始知相結密，不及相結疏。疏別恨應少，密離恨難祛。門前南去水，中有北飛魚。魚飛向北海，可以寄遠書。不惜寄遠書，故人今在無。況此數尺身，阻彼萬里途。自非日月光，難以知子軀。

文粹十五下

九

李白

新人如花雖可寵，故人似玉猶來重。花性飄揚不自持，玉心皎潔終不移。故人昔新今尙故，還見新人有故時。請看陳后黃金屋，寂寂珠簾生網絲。

怨情

生別離

白居易

食蘖不易食，梅難醜。能苦兮，梅能酸。未如生別之爲難。苦在心兮，酸在肝。晨雞載鳴，殘月沒。征馬重嘶，行人出迴。看骨肉，哭一聲。梅酸蘖苦，甘如蜜。黃河水白，黃雲秋。行人河邊相對愁，天寒野曠何處宿。棠梨葉戰風，颼颼生離別。樂府重憂從中來，無斷絕。憂積心勞，血氣衰。未年三十，生白髮。

別離

陸龜蒙

丈夫非無淚，不灑離別間。杖劍對尊酒，恥爲游子顏。蝮蛇一螫手，壯士疾解腕。所思在功名，離別何足歎。

雜怨

張籍

切切重切切秋風桂枝折人當少年嫁我當少年別念君非征行  
年年長遠途妾身甘獨歿高堂有舅姑山川豈遙遠行人自不返

春愁

韓琮

金烏長飛玉兔走青鬢長青古無有秦娥十六語如弦未解貪花  
惜楊柳吳魚嶺雁無消息水盼誓一作蘭情別來久勸君年少莫遊  
春暖風遲日濃於酒

和贈遠

獨孤及

憶得去年春風至中庭桃李暎瓊牕美人挾瑟對芳樹玉顏亭亭  
與花雙今年新花如舊時去年美人在茲借問離居恨深淺祇  
應獨有庭花知

傷歌行 楊憑賦 臨賀尉

張籍

黃門詔下促收捕京兆尹繫御史府出門無復部曲隨親戚相逢  
不容語辭成謫尉海南州受命不得須臾留身著青衫騎惡馬東  
門之外無送者郵夫防吏急喧驅往往驚墮馬蹏下長安里中荒

文粹十五下

十

大宅東門已除十二戟高堂舞榭鏤管弦美人遙望西南天

遷謫江表久未歸

寶參

一自經放逐徘徊無所從便為寒山雲不得隨飛龍名豈不欲保  
歸豈不欲早苦無三月資難適千里道離心與羈思終日常草草  
人生年幾齊憂苦即先老誰能假羽翼使我暢懷抱

失志夜坐思歸楚江

孟郊

夜學曉未休苦吟神鬼愁如何不自閒心與身為讎死辱片時痛  
生辱長年羞青桂無直枝碧江思舊遊

失意歸吳寄劉侍郎

自念西上身忽隨東歸風長安日下影又落江湖中離婁豈不明  
子野豈不聰至寶非眼別至音非耳通因緘俗外辭仰寄高天鴻

答李昌期

楊洵美

三山載羣仙峩峩鹹浪中霞衣翦不得此路安可從我生亦何事  
出門如飛蓬白日又黃昏所悲瑤草空蟲聲故鄉夢枕上禾黍風

吾道如未喪天運何時通

莫相疑行

杜甫

男兒生無所成頭皓白牙齒欲落真可惜憶獻三賦蓬萊宮自怪  
一日聲輝赫集賢學士如堵牆觀我落筆中書堂往時文彩動人  
主今日飢寒趨路傍晚將末節契一作年少當面論一作心  
背面笑寄謝悠悠世上兒不爭好惡莫相疑

王夫子

白居易

王夫子送君爲一尉東南三千五百里道途雖遠位雖卑月俸猶  
堪活妻子男兒口讀古人書束帶斂手來從仕近將徇祿給一家  
遠則行道佐時理行道佐時須待命委身下位無爲恥命苟未來  
且求食官無高卑及遠邇男子上既未能濟天下下又不至飢寒  
死吾觀九品至一品其閒氣味都相似紫綬朱衣青布衫顏色不  
同而已矣王夫子別有一事欲勸君遇酒逢花且歡喜

孟先生詩

韓愈

文粹十五下

七

心亭

孟生江海士古貌又古心嘗讀古人書謂言古猶今作詩三百首  
宵默咸池首騎驢到京國欲和薰風琴豈識天子居九重鬱沈沈  
一門百夫守無籍不可尋晶光蕩相射旗鼓以森遷延乍卻走  
驚怪靡自任舉頭看白日泣涕下沾襟竭來遊公卿莫肯低華簪  
諒非軒冕族應對多差參萍蓬風波急桑榆日月侵奈何從進士  
此路轉嶮嶽異質忌處羣孤芳難寄林誰憐松桂性競愛桃李陰  
朝悲辭樹葉夕感歸巢禽顧我多慷慨窮簷時見臨清霄靜相對  
髮白聆苦吟採蘭赴幽念眇然望東南秦吳脩且阻兩地無數金  
我論徐方牧好古天下欽竹實鳳所食德馨神所歆求觀眾邱小  
必上泰山岑求觀眾流細必泛滄溟深子其聽我言可以當所箴  
既獲則思返無爲久滯淫下和試三獻期子在秋碁

徐十八海落第

歐陽詹

嘉穀不夏熟大器當晚成徐生異凡鳥安得非時鳴汲汲有攸爲  
驅驅無本情懿哉蒼梧鳳終見排雲征

溫泉莊臥病寄楊七炯

宋之問

移病臥茲嶺，寥寥倦幽獨。賴有嵩邱山，高枕長在目。茲山棲靈異，朝夜翳雲族。是日濛雨晴，返景入巖谷。羃羃澗畔草，青青山下木。此意方無窮，環顧悵林麓。伊洛何悠漫，川原信重復。夏餘鳥獸蕃，秋末禾黍熟。願守樊圃歸，閒欣藝牧惜。無載酒人徒，把涼潭菊。

夏中訓于述畢燿問病見贈

獨孤及

救物智所昧，學仙願未從。行藏兩乖角，蹭蹬風波中。淪跡未攄念，臥痾非養蒙。閉關涉兩旬，羈思浩無窮。鷺鷥何處來，雙舞下碧空。離別隔雲雨，惠然此相逢。把手賀疾閒，舉杯欣酒濃。新詩見久要，清論激深衷。高館舒夏簟，開門延微風。火雲赫嵒日，暮千萬峯遙。指故山笑相看，撫號鐘聲和由心。親事感知氣，同出處未易料。且歌緩愁容，願君崇明德。暮如青松。

秋園臥疾呈暉上人

陳子昂

幽寂曠日遙，林園轉清密。疲痾澹無豫，獨坐泛瑤瑟。懷挾萬古情，

文粹十五下

三

憂虞百年疾，縣縣多滯思。忽忽每如失，緬想赤松遊。高尋白雲逸，榮吝始都喪。幽人遂貞吉，圖書紛滿牀。山水藹盈室，宿昔心所向。平生自茲畢，願言誰見知。梵筵有同術，八月高秋晚。涼風正蕭瑟，

宋侯鳴皋夢趙六子未及報而陳子云亡今追爲此詩

荅宋主簿兼貽平昔遊舊

盧藏用

暮川琴停波，朝雲無留色。故人琴與詩，可存不可識。識心尚可親，琴詩非故人。鳴皋初夢趙，蜀國已悲陳。感化傷淪滅，魂交昔未申。冥期失幽報，茲理復今晨。前嗟成後泣，已矣將何及。舊感與新悲，虛懷曠昔時。趙侯鴻寶氣，獨負青雲姿。羣有含妙識，眾象懸清機。雄談盡物變，精義解人頤。在陰旣獨善，幽躍自爲疑。腕彼千里足，傷哉一尉欺。陳生富清理，卓犖兼文史。思縉巫山雲，調逸岷江水。鏗鏘哀忠義，感激懷知己。負劔登劄門，孤遊入燕市。浩歌去京國，歸守西山趾。幽居探元化，立言見千祀。埋沒經濟情，良圖竟云已。坐憶平生遊，十載懷嵩邱。題書滿古壁，採藥徧巖幽。子微化金鼎，

僊筮不可求榮哉宋與陸名宦美中州存亡一瞬阻歧路方悠悠  
自余事山海及茲人世改傳聞當世榮皆是古人名無復平原賦  
空餘隣笛聲泣對西州使悲訪北邙塋新墳曷宿草舊闕毀殘銘  
爲君成此曲因言寄友生默語無窮事凋傷共此情

對酒憶賀監二首并序

李白

太子賓客賀監於長安一見呼予爲謫仙人因解金龜換酒爲樂  
沒後對酒悵然有懷而作是詩

四明有狂客風流賀季真長安一相見呼我謫仙人昔好杯中物

今爲松下塵金龜換酒處卻憶淚沾巾

狂客歸四明山陰道士迎敕賜鏡湖水爲君臺沼榮人亡餘故宅  
空有荷花生念此杳如夢悵然傷我情

重憶一首

欲向江東去定將誰舉杯稽山無賀老卻權酒船迴

哭玄英方干先生

孫郈

文粹十五下

三

斗牛文星落知是先生死湖上聞哭聲門前見彈指官無一寸祿  
名傳千萬里死著紙衣裳生誰念朱紫我心痛其語淚落不能已  
猶喜韋補闕揚名獻天子

弔王將軍墓

常建

嫖姚北伐時深入強千里戰餘落日黃軍敗鼓聲死常聞漢飛將  
可奪單于壘今與山鬼隣殘兵哭遼水

國殤

孟郊

徒言人最靈白刃亂縱橫誰言當春死不及羣草生堯舜宰乾坤  
器農不器兵秦漢盜山岳鑄殺不鑄耕天地莫生金生金人起爭

文粹卷第十五下

文粹卷第十六上

吳興姚鉉纂

詩九 總七十五首

古調歌篇五

知己

仰答韋司業垂訪五首 蕭穎士

博平鄭太守自廬山見訪卻之武陵立馬贈別 李白

攜新文詣張籍韓愈途中成 賈島

喜陳懿老自宛陵至示予新製三十餘篇 朱晝

延康吟 賈島

交友

審交 孟郊

答友問 白居易

北極贈李觀 韓愈

文粹十六上

與馬異結交 盧仝

規誨

示孟郊 孟浩然

自誠 司空圖

誠貪 釋子蘭

杏園卽席上同年 曹鄴

紀贈

讀張曲江詩集 釋皎然

上河陽李大夫 孟郊

奉贈張荆州 王昌齡

詠德上韋檢察 歐陽詹

贈崔從事鄭 孟郊

散逸

漁父歌 李頎

紫谿翁歌 陸龜蒙

秋醉歌 張爲

襄陽歌 李白

散人歌 陸龜蒙

貽張旭 李頎

春日醉起言志 李白

俠少

戲作花卿歌 杜甫

秦宮詩 李賀

登覽

望廬山瀑布二首 李白

望山 賈島

登金陵鳳凰臺 李白

登黃鶴樓 崔顥

登嶺望 許鼎

過華陰 王昌齡

岳陽南樓早霽 張說

奉和南樓早霽 趙冬曦

奉陪登南樓 尹恣

春遊南亭 韋應物

廬山謠寄盧侍御虛舟 李白

登南岳事畢謁司馬道士 張九齡

奉使登終南山 王灣

終南望餘雪 祖詠

勝槩

桃源行 劉禹錫

桃源行 王維

和登會稽山 孫逖

和登會稽山 孫逖



洪州祈雨是日輒應賦詩

張九齡

寄贈宋十一

田遊巖

敬答田徵君

宋之問

龍門八詠

劉長卿

宣城清溪二首

李白

入崖口五渡寄李適

宋之問

答宋十一

見贈李適

和崖口五渡

徐彥伯

初至崖口

宋之問

山中作

顧況

輞口遇雨憶終南山

裴迪

答裴迪

王維

出青門往南山下別業

薛據

夜歸鹿門歌

孟浩然

春泛若耶

秦母潘

荆山獨往

姚係

歸四明

胡幽貞

尋西山隱者不遇

邱爲

仰答韋司業垂訪五首

蕭穎士

呦呦食苹鹿常飲清泠川但悅豐草美寧知牢饌鮮主人有幽意  
將以充林泉罟網幸免傷蒙君復羈牽高堂列眾賓廣坐鳴清弦  
俯仰轉驚惕徘徊獨憂煎緬懷雲巖路欲往無由緣物各有所好  
違之傷自然

神龜在南國緬邈湘川陰遊止蓮葉上歲時嘉樹林毒蟲且不近  
斤斧何由尋錯落負奇文熒煌耀丹金山江里餘淮海阻且深  
獨保貞素質不爲寒暑侵一逢盛明代應見通靈心

晉代有儒臣當年富辭藻立言寄青史將以贊王道遼落緬歲時  
辛勤歷江嶼且言風波倦探涉豈爲寶不遇庾征西云誰展懷抱

士貧之知已安得成所好

彭陽昔游說願謁南郢都王果尙未達況從夷節謨豈知晉叔譽  
無罪嬰囚拘臨難俟解紛獨知祁大夫舉雖且不棄何必論親疏  
夫子覺者也其能遺我乎

關西一公子年貌獨青春被褐來上京翳然聲未振中郎何爲者  
倒屣驚座賓詞賦豈不佳盛名亦相因為君奏此曲此曲多苦辛  
千載不可誣孰言今無人

博平鄭太守自廬山千里相尋入江夏北市門見訪卻  
之武陵立馬贈別

李白

大梁貴公子氣蓋蒼梧雲若無三千客誰道信陵君救趙復存魏  
英威天下聞邯鄲能屈節訪博從毛薛夷門得隱淪而與侯生親  
仍要鼓刀者乃是袖鎗人好士不盡心何能保其身多君重然諾  
意氣遙相託五馬入市門金鞍照城郭都忘虎竹貴且與荷衣樂  
去去桃花源何時見歸軒相思終無極腸斷朗陵猿

文粹十六上

四

構新文詣張籍韓愈途中成

賈島

袖有新成詩欲見張韓老青竹未生翼一步萬里道仰望青冥天  
雲雪壓我腦失卻終南山惆悵滿懷抱安得西北風身願變蓬草  
地祇聞此語突出驚我倒

喜陳懿老自宛陵至示予新製三十餘篇

朱晝

一別一千日一日十二憶苦心無閒時今夕見玉色玉色復何異  
紅明含羣德有文如星宿飛入我胸臆憂愁方破懷懽喜重補塞  
使我心兒全且非黃金力將攀下風手願假僂鸞翼

於章

孟郊故寄誠

延康吟

賈島

寄居延壽里爲與延康隣不愛延康里愛此里中人人非十年故  
人非九族親人有不朽語得之烟山春

審交

孟郊

種樹須擇地惡土變木根結交若失人中道生謗言君子芳桂性  
春濃寒更繁小人槿花心朝在夕不存莫躡冬冰堅中有潛浪翻  
唯當金石交可與賢達論

答友問

白居易

大圭廉不割利劍用不缺當其斬馬時良玉不如鐵置鐵在洪爐  
鐵銷易如雪良玉同其中三日燒不熱君疑才與德詠此知優劣

北極贈李觀

韓愈

北極有羈羽南溟有沈鱗川源浩浩隔影響兩無因風雲一朝會  
變化成一身誰言道理遠感激疾如神我年二十五求友昧其人  
哀歌西京市乃與夫子親所向苟同趣賢思豈異倫方爲金石姿  
萬世無緇磷無爲兒女態憔悴悲賤貧

與馬異結交

盧仝

天地日月如等閒盧仝四十無往還唯有一片心脾骨巖巖崔峯  
律兀鬱律刀劍爲鋒鏑平地放著高如崑崙山天不容地不受日

文粹十六上

五

月不敢偷照耀伏羲畫八卦鑿破天心胸女媧伏羲妹恐天怒擣  
鍊五色石引日月之鍼五星之縷把天補補了三日不肯歸堦家  
走向日中放老鷗月裏栽桂養蝦蟇天公發怒化龍蛇此龍此蛇  
得死病神農合藥救死命天怪神農黨龍蛇罰神農爲牛頭令載  
元氣車不知藥中有毒藥藥殺元氣天不覺爾來天地不神聖日  
月之光無定正不知元氣元不死忽聞空中喚馬異馬異若不是  
祥瑞空中敢道不容易昨日仝不同異自異是謂大同而小異今  
日仝自同異不異是謂同不往兮異不至直當今兮動天地白玉  
璞裏斲出相思心黃金鑛裏鑄出相思淚忽聞空中崩崖倒谷聲  
絕勝明珠千萬斛買得西施南威一雙婢此婢嬌饒惱殺人凝脂  
爲膚翡翠裙唯解畫眉朱點唇自從獲得君敲金縱玉凌浮雲卻  
返顧一雙婢子何足云平生結交苦少人憶君眼前如見君青雲  
折半殘壓山谷盤根蹙節成蛟螭忽雷霹靂卒風暴雨撼不動欲

動不動千變萬化總是鱗皴皮此奇怪物不可欺盧仝見馬異文章酌得馬異心中事風姿骨本恰如此是不是寄一字

示孟郊

按孟郊詩然孟郊二人年代相去懸絕宋人有疑其僞者

孟浩然

蔓草蔽極野蘭芝結孤根眾音何其繁伯牙獨不喧當時高深意舉世無能分鍾期一見知山水千秋聞爾其保靜節薄俗徒云云

自詠

司空圖

我祖銘座右嘉謀詒厥孫勤此苟不怠令名日可存媒衞士所恥慈儉道所尊松柏豈不茂桃李亦自繁眾人皆察察而我獨昏昏取訓於老氏大辯欲訥言

誠貧

釋子蘭

多求待心足未足旋傾覆明知貪者心求榮不求辱

杏園卽席上同年

曹鄴

歧路不在天十年行不至一旦公道開青雲在平地枕上數聲鼓衡門已如市白日探得珠不待驪龍睡恩出九衢僮僕顏色異

文粹十六上

六

故衣未及換尙有去年淚晴陽照花影落絮浮野翠對酒時忽驚猶疑夢中事自憐孤飛鳥得接鸞鳳翅永懷其濟心莫起胡越意

讀張曲江詩集

釋皎然

相公乃天啟人文佐生成立程正頹靡釋思何縱橫春杼弄綉綺陽林敷玉英飄然飛動姿邈矣高簡情後輩驚失步前脩敢爭衡始欣耳目遠再使幾慮清體正力已全理精識何妙昔年歌陽春徒推郢中調今朝聽鸞鳳豈獨蘇門嘯帝命鎮雒州詩流據上游才兼荆衡秀氣助瀟湘秋逸蕩子山匹經奇文暢傳沈吟未終卷變態紛難數耀耳代明璫襲衣比芳杜悵悵聞玉聲寤寐在靈府

上河陽李大夫

孟郊

上將秉神略至兵無血威三軍向嚴冬一撫勝重衣寒劔奪眾景夜星失長暉蒼鷹獨立時惡鳥不敢飛武牢鏢天關河橋紉地機大軍奚與安守此稱者稀貧士少顏色貴門多輕肥試登山嶽高始見草木微山嶽思旣廣草木心皆歸

奉贈張荆州

王昌齡

祝融之峯紫雲銜翠如何其雪嶺岳邑西有路緣石壁我欲從之  
臥穹嵌魚有心兮脫網罟江無人兮鳴楓杉王君飛鳥仍未去蘇  
耽宅中意遙緘

詠德上韋檢察

歐陽詹

韋相公  
少華類太華太室似少室亞相與丞相亦復無異質亭如月臨水  
肅若松照日輝影互光澄陰森兩蔥鬱連枝鸞鳳下同氣龜龍出  
併力革夷心通籌整師律英豪願迴席蠻貊皆屈膝中外佇分途  
寰瀛待清謐

贈崔從事郎

孟郊

古人留清風千載遙贈君破松見貞心裂竹看直文殘月色不改  
高賢德常新家懷詩書富宅抱草木貧安排一蹶泉未化千尺鱗  
含意永不語釣璜幽水濱

漁父歌

李頎

白頭何老人蓑笠蔽其身避世常不仕釣魚清江濱浦沙明濯足  
山月靜垂綸寓宿湍與瀨行歌秋復春持竿湘岸竹斃火蘆洲薪  
淶水飯香稻青荷包紫鱗於中還自樂所欲全吾真而笑獨醒者  
臨流多苦辛

紫谿翁歌

陸龜蒙

紫谿翁過甫里先生舉酒相屬醉而歌曰一邱之木其栖深也屋  
吾容不辱一谿之石其居平也席吾勞以息一竇之泉其首清也  
茲吾方在懸得乎人得乎天吾不知所以然而然先生弁而賡之  
曰采江之魚兮朝船有鱸采江之蔬兮暮筐有蒲左圖且書右瑟  
與壺壽歟天歟貴歟賤歟歌闕而去

秋醉歌

張爲

金風颯已起還是招漁翁攜酒天姥岑自彈嶧陽桐脫卻登山屐  
赤腳翹青筇泉聲掃殘暑猿臂攀長松翠微泛樽綠苔蘚分煙紅  
造化處術內相對數壺空醉眠嶺上草不覺夜露濃一夢到天曉

始覺一醉中皎然夢中路直到瀛洲東初平把我臂相與騎白龍  
三留對上帝上樓十二重上帝賜我酒送我敲金鐘寶閣香斂再  
琪樹寒玲瓏動葉如笙簧音律相怡融珍重此一醉百骸出天地  
長如此夢魂永謝名與利

襄陽歌

李白

落日欲沒峴山西倒著接籬花下迷襄陽小兒齊拍手攔街爭唱  
白銅鞮傍人借問笑何事笑殺山公醉似泥鷓鴣杓鸚鵡盃百年  
三萬六千日一日須傾三百杯遙看漢水鴨頭綠恰似蒲萄初醱  
醅此江若變作春酒壘麴便築糟邱臺千金駿馬換少妾醉坐雕  
鞍歌落梅車傍側挂一壺酒鳳笙龍管行相催咸陽市上歎黃犬  
何如月下傾金壘君不見晉朝羊公一片石龜頭剝落生莓苔淚  
亦不能爲之墮心亦不能爲之哀清風朗月不用一錢買玉山自  
倒非人推舒州杓力士鎗李白與爾同死生襄王雲雨今安在江  
水東流蝮夜聲

文粹十六上

八

陸龜蒙

散人歌

江湖散人天骨奇短髮搔來蓬半垂手提孤篁曳寒繭口誦太古  
滄浪詞詞云太古萬萬古民性甚墜暗無風期夜棲止與禽獸雜  
獨自構架縱橫枝因而稱曰有巢氏民共敬貴如君師當時只效  
烏鵲輩豈是有意陳尊卑無端後聖穿鑿破一派前導千流隨多  
方惱亂元氣死日使文字生姦欺聖人事業轉銷耗尚有漁者存  
熙熙風波不獨困一士凡百器具皆能施尻疏扃腐鱸鰓脫止失  
檢馭無讒疵人間所謂好男子我見婦女留須眉奴顏婢膝眞乞  
句反以正直爲狂癡所以頭欲散不散弁裘窺所以腰欲散不散  
佩陸離行散任之適坐散從傾敔語散空谷應笑散春雲披衣散  
單複便食散酸鹹宜書散混眞草酒散甘醕醢屋散勢斜直樹散  
行參差客散忘簪履禽散空籠池物外一以散中心散何疑不其  
諸侯分邑里不與天子專隍陴靜則守桑柘亂則逃妻兒金鏤貝  
帶未嘗識白刃殺我窮生爲或聞蕃將負恩澤號令鐵馬如風馳

大君年小丞相少當軸自請都旌旗神鋒悉出羽林仗繪畫日月  
蟠龍蟠太宗基業甚牢固小醜背叛當殲夷禁軍近自肅宗置抑  
遏輔國爭雄雌必然大段翦兇逆須召勁勇持軍麾四方賊壘猶  
占地死者暴骨生寒飢歸來輒擬荷鋤笠詭吏已責租錢遲與師  
十萬一日費不啻千金何以支祇今利口且箕斂何暇俛首哀俸  
羨均荒補敗豈無術布在方策撐顏冰霜襦袴易反掌白面諸  
郎殊不知江湖散人悲古道悠悠幸寄義皇傲官家未議活蒼生  
拜賜江湖散人號

貽張旭

李頎

張公性嗜酒豁達無所營皓首窮草隸時稱太湖精露頂據胡牀  
長叫三五聲興來酒素壁揮筆如流星下舍風蕭條寒草滿戶庭  
問家何所有生事如浮萍左手持蟹螯右手執丹經瞪目視霄漢  
不知醉與醒諸賓且方坐旭日臨東城荷葉裏江魚白甌貯香粳  
微祿心不泄放神於八紘時人不識者卽是安期生

文粹十六上

九

實仁

春日醉起言志

李白

處世若大夢胡爲勞其生所以終日醉頽然臥前楹覺來盼庭前  
一鳥花間鳴借問此何時春風語流鶯感之欲歎息對酒還自傾  
浩歌待明月曲盡已忘情

戲作花卿歌

杜甫

成都猛將有花卿學語小兒知姓名用如快鷗風火生見賊唯多  
身始輕縣州副使著柘黃我卿掃除卽日平子璋髑髏血糝糊手  
提擲還崔大夫李侯重有此節度人道我卿絕世無旣稱絕世無  
天子何不喚取守京都

秦宮詩并序

李賀

秦宮漢將軍梁冀之嬖奴也秦宮得寵內舍故以驕名大譟於人  
子撫膺而作辭似與馮子都之事相爲對望又欲二其昔有之詩  
越羅夾衫迎春風玉刻麒麟腰帶紅樓頭曲宴仙人語帳底吹笙  
香霧濃人閒酒暖春茫茫花枝入簾白日長飛窗複道傳籌飲午

夜銅盤膩燭黃禿襟小袖調鸚鵡紫繡麻鞞踏哮虎斫桂燒金待  
曉筵白鹿青酥夜半煮桐莢永巷騎新馬內屋珍屏生色畫開門  
爛用水衡錢卷起黃河向身瀉皇天厄運猶曾裂秦宮一生花底  
活鸞飽奪得不還人醉睡甃甃滿堂月

望廬山瀑布

李白

西登香鑪峯南見瀑布水挂流三百丈噴壑數十里歛如飛電來  
隱若白虹起初驚河漢落半灑雲天裏仰觀勢轉雄壯哉造化功  
海風吹不斷江月照還空中亂灑射左右洗青壁飛珠散輕霞  
流沫沸穹石而我遊名山對之心益閒無論漱瓊液還得洗塵顏  
且諧宿所好永願辭人閒  
日照香爐生紫煙遙看瀑布挂長川飛流直下三千尺疑是銀河  
落九天

望山

賈島

南山三十里不見踰一句冒雨時立望望之如朋親虬龍一掬波

文粹十六上

十

又文

萬物

洗蕩千萬春日雨不斷愁殺望山人天事不可長勁風來如奔  
陰淫一已掃浩翠寫國門長安百萬家家張屏新誰家最好山  
我願爲其隣

登金陵鳳凰臺

李白

鳳凰臺上鳳凰遊鳳去臺空江自流吳時花草埋幽徑晉國衣冠  
成古邱三山半落青天外二水中分白鷺洲總爲浮雲能蔽日長  
安不見使人愁

登黃鶴樓

崔顥

昔人已乘白雲一作黃鶴去此地空餘黃鶴樓黃鶴一去不復返白雲  
千載空悠悠晴川歷歷漢陽樹芳草萋萋鸚鵡洲日暮鄉關何處  
是煙波江上使人愁

登嶺望

許鼎

淼淼三江水悠悠五嶺關雁飛猶不度人去若爲還

過華陰

王昌齡



雲起太華山雲山互明滅東峯始含暝了了見松雪羈人感幽棲  
宵映轉奇絕欣然忘所疲永望吟不輟信宿百餘里出關玩新月  
何意昨來心異一昨過物遂遷別人生屢如此何以肆愉悅

岳陽南樓早霽

張說

山水佳新霽南樓玩初旭夜來枝半紅雨後洲全綠四運相終始  
萬形紛代續適臨青草湖再變黃鸝曲地穴穿東武江流下西蜀  
歌聞枉渚遭舞見長沙促心遠居無陋神和生自足白髮悲上春  
知常謝先欲

奉和南樓早霽

趙冬曦

方曙躋南樓凭軒肆遐矚物華蕩暄氣春景媚晴旭川霽湘山孤  
林芳楚郊縹列巖重疊翠遠岸逶迤綠風帆摩天垠漁艇散彎曲  
鴻歸鶴舞送猿叫鸞聲續羣動皆熙熙噫子獨羈束常欽才子意  
忌鵬傷蹠踟雅向騷人文懷沙何迫促未知二賢意去矣從所欲

奉陪登南樓

尹恣

文粹十六上

十一

君子每垂眷江山其流眄水遠林外明巖近霧中見終日西北望  
何處是京縣屢登高春臺徒使淚如霰

春遊南亭

韋應物

川明氣已變巖寒雲尚擁南亭草心綠春塘泉脈動景煦聽禽響  
雨餘看柳重道遙池館華益愧專城寵

廬山謠寄盧侍御虛舟

李白

我本楚狂人鳳歌笑孔丘手持綠玉杖朝別黃鶴樓五嶽尋仙不  
辭遠一生好入名山遊廬山秀出南斗傍屏風九疊雲錦張影落  
明湖青黛光金闕前開二峯長銀河倒瀉三石梁香爐瀑布遙相  
望迴崖沓嶂凌蒼蒼翠影紅霞映朝日鳥飛不到吳天長登高壯  
觀天地間大江茫茫去不還黃雲萬里動風色白波九道流雪山  
好爲廬山謠興因廬山發閒窺石鏡清我心謝公行處蒼苔沒早  
服還丹無世情琴心三疊道初成遙見仙人綵雲裏手把芙蓉朝  
玉京先期汗漫九垓上願接盧敖遊太清

登南嶽事畢謁司馬道士

張九齡

將命祈靈岳迴策詣真士絕跡尋一徑異香聞數里分庭入桂樹  
肅容兩童子入室希把袖登牀願啟齒誘我棄智訣迨茲長生理  
吸精反自然鍊藥求不死斯言眇霄漢顧予嬰紛滓相去九牛毛  
慙歎荷知己

奉使登終南山

王灣

常愛南山遊因而盡原隰數朝至林嶺百仞登崑崙石壯馬徑窮  
苔色步緣入物奇春狀改氣遠天香集虛洞策杖鳴低雲拂衣濕  
倚巖見廬舍入戶欣拜揖問性矜勤勞示心教澄習玉英時共飲  
芝草爲余拾境絕人不行潭深鳥空立一乘從此授九轉兼是給  
辭處若輕飛憩來唯吐吸閒襟超已勝迴路倏而及煙色松上深  
水流山下急漸平逢車騎向晚睨城邑峯在野趣繁塵飄宦情澀  
辛苦久爲吏勞生榮進一作榮何妄執日暮懷此山悠然賦斯什

終南望餘雪

祖詠

文粹十六上

三

終南陰嶺秀積雪浮雲端林表明霽色城中增暮寒

桃源行

劉禹錫

漁舟何招招浮在武陵水拖綸擲信流去誤入花源行數里清  
源尋盡花縣縣踏花覓徑至洞前洞門蒼黑煙霧生暗行數步逢  
虛明俗人毛骨驚仙子爭來致詞何至此須臾皆破冰雪顏笑言  
委曲問世閒因嗟隱身來種玉不知人世如風燭筵羞石髓勸客  
殮燈蕤松脂留客宿雞聲犬聲遙相聞曉光蔥龍開五雲漁人振  
衣起出戶滿庭無路花紛紛翻然恐失鄉縣處一息不肯桃源住  
桃花滿溪水似鏡塵心如垢洗不去仙家一出尋無蹤至今流水  
山重重

桃源行時年十九

王維

漁舟逐水愛山春兩岸桃花夾去津坐看紅樹不知遠行盡青溪  
忽值人山口潛行始隈隩山開曠望旋平陸遙看一處攢雲樹近  
入千家散花竹樵客初傳漢姓各居人未改秦衣服居人共住武

陵源還從物外起田園月明松下房櫳靜日出雲中雞犬喧驚聞  
俗客爭來集競引還家問都邑平明閭巷掃花開薄暮漁樵乘水  
入初因避地去人閒及至成仙遂不還峽裏誰知有人事世中遙  
望空雲山不疑靈境難聞見塵心未盡思鄉縣出洞無論隔山水  
辭家終擬長遊行自謂經過舊不迷安知峯壑今來變常時只記  
入山深青溪幾度到雲林春來徧是桃花水不辨仙源何處尋

和登會稽山

孫述

稽山碧湖上勢入東溟盡煙景清明九峯爭隱嶙望中厭朱絳  
俗內探玄牝野老聽鳴騶山童擁行軫仙花寒未落古蔓柔堪引  
竹澗入霜多松崖向天近雲從海人去日就江村隕能賦丘嘗聞  
和歌參不敏冥搜信沖漠多士期標準願奉濯纓心長謠反招隱

洪州西山祈雨是日輒應賦詩言事

張九齡

茲山蘊靈異走望良有歸丘禱雖已久毗心難重違遲明申藻薦  
先夕旅巖扉獨宿雲峯下蕭條人吏稀我來不外適幽抱自中微

文粹十六上

三

靜入風泉奏涼生松栝圍窮年滯遠想寸晷閱清暉虛美悵無屬  
素情緘所依詭隨嫌弱操羈束謝貞肥義濟亦吾道誠存爲物祈  
靈心條已應甘液幸而飛閉閣豈無責隨車安敢希多慚德不感  
知復是耶非本集補

贈答弘農青巖曲有盤石可坐宋十一每拂拭待余寄

詩贈之云

田遊巖

信彼稱靈石居然狎遁棲徘徊承翠嶽賦駮帶深溪夕陰起層岫  
清景半虹蜺風來應嘯阮波渡可琴嵇僕之穎陽客望彼空思齊  
儻見山人至簪蒿且杖藜

敬答田徵君

宋之問

家臨清溪水溪水繞盤石綠蘿四面垂裏裏百餘尺風泉度絲管  
苔蘚鋪茵席傳聞潁陽人霞外漱靈液忽枉巖中翰吟臥朝復夕  
何當遂遠遊物色候逋客

龍門八詠

劉長卿

關口

秋山日搖落秋水急波瀾獨見魚龍氣長令煙雨寒誰窮造化力  
空向爾崖看

水西渡

伊水搖鏡光纖鱗如不隔千龕道傍古一鳥沙上白何事還山雲  
能留向城客

水東渡

山葉傍崖赤千峯秋色多夜泉發清響寒渚生微波稍見沙上月  
歸人爭渡河

福公塔

寂寞對伊水經行長未還東流自朝暮千載空雲山誰見白鷗鳥  
無心洲渚閒

遠公龕

松路向精舍花龕歸老僧閒雲揚一作錫杖落日低金繩入夜翠  
微裏千峯明一鑑文粹十六上

石樓

隱隱見花閣隔河映青林水田秋雁下山寺夜鐘深寂寞羣動息  
風泉清道心

渡水

日暮下山來千山暮鐘發不如波上櫂還弄山中月伊水連白雲  
東南遠明滅

下山

誰識往來意孤雲長自閒風寒未渡水日暮更看山木落眾峯出  
龍宮蒼翠閒

宣城清溪二首

李白

清谿清我心水色異諸水借問新安江見底何如此人行明鏡中  
鳥度屏風裏向曉猩猩啼空悲遠遊子

清谿勝桐廬水木有佳色山貌日高古石容天傾側綵鳥昔未名

白猿初相識不見同懷人對之空歎息

入崖口五渡寄李適

宋之問

抱琴登絕壑  
柅木泝清川  
路極意謂盡  
勢迴趣轉縣  
人遠草木秀  
山深雲景鮮  
余負海岳情  
自昔微尚然  
彌曠十餘載  
今來宛仍前  
未窺仙源極  
獨進野人舫  
時攀乳竇憩  
屢薄天窓眠  
夜弦響松月  
朝楫弄苔泉  
因冥象外理  
永謝區中緣  
碧潭可遺老  
丹砂堪學仙  
莫使馳光暮  
空令歸鶴憐

荅宋十一崖口五渡見贈

李適

聞君訪遠山  
躋險造幽絕  
眇然青雲境  
觀奇彌年月  
登嶺亦泝谿  
孤舟事泐越  
嶠嶂傳彩翠  
崖磴互欹缺  
石林上攢叢  
金澗下明滅  
捫壁窺丹井  
梯苔瞰乳穴  
忽枉巖中贈  
對翫未嘗輟  
殷勤獨往事  
委曲鍊藥說  
邀余名山期  
從爾泛海滋  
歲晏秉宿心  
斯言非徒設

和崖口五渡

徐彥伯

聞有獨往客  
拂衣捐世心  
結忻薄枉渚  
撰念縈舊林  
經亘去崖合

文粹十六上

五

冥緜歸壑深  
琪樹環碧彩  
金潭生翠陰  
洄澗弄沙榜  
詭仄眺明岑  
夕聞桂裏猿  
曉翫松上禽  
雜佩蘊孤袖  
瓊敷綴雙衿  
我懷滄洲想  
懿爾白雲吟  
秉願理方叶  
存期跡易尋  
茲言庶不負  
爲報巖中琴

初至崖口

宋之問

崖口眾山斷  
欽崑聳天壁  
氣衝落日紅  
影入春潭碧  
錦纈織苔蘚  
丹青畫松石  
水禽泛容與  
巖花飛的皪  
微路從此深  
我來限于役  
惆悵情未已  
羣峯黯將夕

山中作

顧況

野人愛向山中宿  
況在葛洪丹井西  
庭前有箇長松樹  
夜半子規來上唳

輞口遇雨憶終南山因獻王維

裴迪

積雨晦空曲  
平沙滅浮彩  
輞水去悠悠  
南山復何在

荅裴迪

王維

森森寒流廣  
蒼蒼秋雨晦  
君問終南山  
心知白雲外

出青門往南山下別業

薛據

舊居在南山風鶴自城闕榛莽相蔽虧去爾漸超忽散漫餘雪晴  
蒼茫季冬月寒風吹長林白日原上沒懷抱曠莫申相知阻胡越  
弱年好棲隱鍊藥在巖窟及此離垢氛興來亦因物末路期赤松  
斯言庶不伐

夜歸鹿門歌

孟浩然

山寺鳴鐘晝已昏漁梁渡頭爭渡喧人隨沙岸向江村子亦乘舟  
歸鹿門鹿門月照開煙樹忽到龐公樓隱處巖扉松徑長寂寥唯  
有幽人自來去

春泛若耶

綦毋潛

幽意無斷絕此去隨所偶晚風吹行舟花路入谿口際夜轉西壑  
隔山望南斗潭煙飛溶溶林月低向後生事且彌漫願為持竿叟

荆山獨往

姚係

宿昔山水上抱琴聊躑躅山遠去難窮琴悲多斷續崑重丹陽樹

文粹十六上

六

泉咽聞陰谷時下白雲中滄留秋水曲秋水石欄深潺湲如噴玉  
雜芳被陰岸墜露方消綠恣此平生懷獨遊還自足

歸四明

胡幽貞

海色連四明仙舟去容易天籍豈輒問不是卑朝士

尋西山隱者不遇

邱爲

絕頂一茅茨直上三十里扣關無僮僕窺室唯松枝几若非巾柴車  
應是釣秋水差池不相見僮僮空仰止草色新雨中松聲晚窻裏  
及茲契幽絕自足盪心耳雖無賓主意頗得清淨理興盡方下山  
何必待之子

文粹卷第十六上

文粹卷第十六下

吳興 姚鉉 龔

詩十 總四十四首

古調歌篇六

幽居

百丈谿新理茅茨讀書閣防

家叔徵君東谿草堂二首 盧象

寒食還陸渾別業 宋之問

題東谿公幽居 李白

宿裴友書齋 李觀

訓暉上人夏日林泉見贈 陳子昂

贈宣州元處士 杜牧

東溪翫月 王昌齡

宿太白東溪張老舍寄弟姪 岑參

文粹十六下

長安秋夕 戎昱

貽池陽谷口元贊善 李端

山居

宿裴氏山莊 王昌齡

山中作 沈千運

入山寄城中故人 王維

獨遊 王昌齡

過張邯鄲莊 姚合

宿王昌齡隱居 常建

訪陸羽處士 釋皎然

初春 王績

南充謝郡客游澧州留贈字文中丞 暢當

村居 沈亞之

贈劉藍田 王維

川川 竟仁

退居

孟郊

渭川田家

王維

傷歎

秦中吟十首

白居易

憫農

李紳

石壕吏

杜甫

辛荳吟

于鵬

田家詞

元稹

傷田家

聶夷中

采玉行

韋應物

茶山作

袁高

野老歌

張籍

野行

姚合

百文谿新理茅茨讀書

文粹十六下

閩防

浪迹棄人世還山自幽獨始傍巢出蹤吾其獲心曲荒庭何所有  
老樹半空腹秋蜩鳴北林暮鳥穿我屋栖遲樂適渚恬曠寡所欲  
開卦推盈虛散帙攻節目養閒度人事逢命知止足不學東國儒  
俟時勞伐輻

家叔徵君東谿草堂二首

盧象

關山十餘里青壁森相倚欲識堯時天東谿白雲是雷聲轉幽壑  
雲氣沓流水澗影生龍蛇巖端鸞棹大道終不易君恩曷能已  
鶴羨無老時龜言攝生理浮年笑六甲元化潛一指未暇掃雲梯  
空慙阮家子  
今朝共遊者得性閒未歸已到仙人家莫驚鷗鳥飛水深巖子釣  
松挂巢父衣雲氣轉幽寂谿流無是非名理未足羨腥臊詎所希  
自惟負貞意何歲當食薇

寒食遺陸渾別業

宋之問

洛陽城裏花如雪陸渾山中今始發且別河橋楊柳風夕臥伊川



桃李月伊川桃李正芳新寒食山中酒復春野老不知堯舜力酣歌一曲太平人

題東谿公幽居

李白

杜陵賢人清且廉東谿卜築歲將淹宅近青山同謝朓門垂碧柳似陶潛好鳥迎春歌後院飛花送酒舞前簷客到但知留一醉盤中祇有水精鹽

宿裴友書齋

李觀

臥君山窗下山鳥與我言清風何颼颼松柏中夜繁久遊失歸趣宿此似故園林煙橫近郊谿月落古原稚子不待曉花閒出柴門

酬暉上人夏日林泉見贈

陳子昂

聞道白雲居窈窕青蓮宇巖泉萬丈流樹石千年古林臥對軒窗山陰滿庭戶方釋塵事勞從君襲蘭杜

贈宣州元處士

杜牧

陵陽北郭隱身世兩忘者蓬蒿三畝居寬於一天下尊酒對不酌

文粹十六下

三

默與玄相話人生自不足愛歎遭逢寡

東谿玩月

王昌齡

月從斷山口遙吐柴門端萬木紛空霽流陰中夜攢光連虛象白氣與風露寒谷靜秋泉響巖深青靄殘澄清八幽夢影破抱空巒

宿太白東谿張老舍寄弟姪

岑參

渭上秋雨過北風何騷騷天晴諸山出太白峯最高主人東谿老兩耳生長豪遠近知百歲子孫皆二毛中庭井欄上一架獼猴桃石泉飯香秔酒瓮開新糟愛茲田中趣始悟世上勞我行有勝事書此寄爾曹

長安秋夕

戎昱

八月更漏長愁人起常早閉門寂無事滿地生秋草昨夜西窗夢夢入荆南道遠客歸去來在家貧亦好

貽池陽谷口元贊善

李端

一作過谷口元贊善所居

入谷訪君來秋泉已堪涉林間人獨坐月下山相接重露溼蒼苔  
明鏡照黃葉故交一不見素髮何稠疊

宿裴氏山莊

王昌齡

蒼蒼竹林暮吾亦知所投靜坐山齋月清谿聞遠流西峯下微雨  
向曉白雲收遂解塵中組終南春可遊

山中作

沈千運

棲隱別無事所願早離塵不辭城邑遊禮樂拘束人邇來歸山林  
庶事皆吾身何者爲形骸誰是智與仁寂寞了閒事然後知天真  
咳唾驚榮華迂俯相屈伸如何巢與由天子不得臣

入山寄城中故人

一作終南別業

王維

中歲頗好道晚家南山垂興來每獨往勝事空自知行到水窮處  
坐看雲起時偶然值林叟談笑無還期

獨遊

王昌齡

林臥情自閒獨遊景常晏時從灞陵下垂釣往南澗手攜雙鯉魚  
目送千里鴈悟彼飛有適知此罹憂患放之清冷泉因得省疎慢

文粹十六下

四

文苑

永惟青岑客迴首白雲閒神超物無違豈繫名與宦

過張邯鄲莊

姚合

客行長似病煩熱攻四肢到君讀書堂忽若逢良醫堂前水交流  
堂下樹交枝雨門延風涼洗我昏濁肌與子還往熟行坐恣所宜  
時時相獻酬文字當酒卮野飯具藜藿永日亦不飢苟餐非其所  
餽炙爲蕨藜時清士人閒耕者唯文詞豈獨鄉里薦當取四海知

宿王昌齡隱居

常建

青谿深不測隱處唯孤雲松際露微月光猶爲君茅亭宿花影  
藥院滋苔紋余亦謝時去西山鸞鶴羣

訪陸羽處士

釋皎然

太湖東西路吳王古山前所思不可見歸鴈自翩翩何山賞春茗  
何處弄清泉莫是滄浪子悠悠一釣船

初春

王績

前旦出園遊林華都未有今朝下堂望池冰開已久雪避南軒梅  
風催北庭柳遙呼竈前妾卻報機中婦年光恰恰來滿囊營春酒  
南充謝郡客遊澧州留贈宇文丞 暢當

僕本濩落人辱當州郡使量力頗及早謝歸今卽已蕭蕭若凌虛  
袷帶頓銷靡車服率然來涪陽作遊子鬱鬱寡開顏默默獨行李  
忽逢平生友一笑方在此秋情寧風日楚思浩雲水爲語弋林者  
冥冥鴻遠矣

村居

沈亞之

無樹巢宿鳥無酒共客醉月上蟬韻殘梧桐陰繞地獨出村舍門  
吟劇微風起蕭蕭蘆荻叢叫嘯如山鬼應緣我憔悴爲我哭秋思

贈劉藍田

王維

籬中大犬吠出屋候荆扉歲晏輸井稅山村人夜歸晚田始家食  
餘布成我衣詎肯無公事煩君問是非

退居

孟郊

退身何食可敗力不得閒種稻耕白水負薪斫青山眾聽喜巴唱  
獨醒愁楚顏日暮靜歸時幽叩松關

渭川田家

王維

斜光照墟落深巷牛羊歸野老念牧童倚杖候荆扉雉鳴麥苗秀  
蠶眠桑葉稀田夫荷鋤至相見語依依卽此羨閒逸悵然吟式微

秦中吟十首并序

白居易

貞元元和之際予在長安聞見之間有足悲者因直歌其事命爲

議婚一作貧家女

天下無正聲悅耳卽爲娛人間無正色悅目卽爲姝顏色非相遠  
貧富則有殊貧爲時所棄富爲時所趨紅樓富家女金縷繡羅襦  
見人不斂手嬌癡二八初母兄未開口已嫁不須與綠窗貧家女  
寂寞二十餘荆釵不直錢衣上無真珠幾回人欲聘臨日又踟躕  
主人會長媒置酒滿玉壺四座且勿飲聽我歌兩途富家女易嫁

嫁早輕其夫貧家女難嫁嫁晚孝於姑聞君欲娶婦娶婦意何如

重賦一作無

厚地植桑麻所要濟生民生民理布帛所求活一身身外充征賦  
上以奉君親國家定兩稅本意在憂人厥初防其淫明救內外臣  
稅外加一物皆以枉法論奈何歲月久貪吏得因循浚我以求寵  
斂索無冬春織絹未成疋練絲未盈斤里胥迫我納不許暫逡巡  
歲暮天地閉陰風生破村夜深煙火滅霰雪白紛紛幼者形不蔽  
老者體無溫悲喘與寒氣併入鼻中辛昨日輪殘稅因窺官庫門  
繒帛如山積絲絮似雲屯号为羨餘物隨月獻至尊奪我身上暖  
買爾眼前恩進入瓊林庫歲久化為塵

傷宅

誰家起甲第朱門大道邊豐屋中櫛比高墉外迴環纍纍六七堂  
棟宇相連延一堂費百萬鬱鬱起青煙洞房溫且清寒暑不能干  
高堂虛且迥坐臥見南山繞廊紫藤架夾砌紅藥欄攀枝摘櫻桃

文粹十六下

六

帶花移牡丹主人此中坐十載為大官廚有臭敗肉庫有貫朽錢  
誰能將我語問爾骨肉間豈無貧賤者忍不救飢寒如何奉一身  
直欲保千年不見馬家宅今作奉誠園

傷友一作膠

陋巷孤寒士出門苦恓恓雖云志氣高豈免顏色低平生同門友  
通籍在金閨曩者膠漆契爾來雲雨睽正逢下朝歸軒騎五門西  
是時天久陰三日雨淒淒蹇驢避路立肥馬當風嘶回頭忘相識  
占道上沙隄昔年洛陽社貧賤相提攜今日長安道對面隔雲泥  
近日多如此非君獨慘悽死生不變者唯聞任與黎任公達

不致仕

七十而致仕禮法有明文何乃貪榮者斯言如不聞可憐八九十  
齒墮雙眸昏朝露貪名利夕陽憂子孫挂冠願翠綬懸車惜朱輪  
金章腰不勝僂偻入公門誰不愛富貴誰不戀君恩年高須告老  
名遂合退身少時共嗤謂晚歲多因循賢哉漢二疏彼獨是何人

寂寞東門路無人繼去塵

立碑

勳德既下衰文章亦陵夷但見山中石刻作路傍碑銘勳悉太公  
敘德皆仲尼復以多為貴千言直萬貫為文彼何人想見下筆時  
但欲愚者悅不思賢者嗤豈獨賢者嗤仍傳後代疑古石蒼苔字  
安知是愧辭我聞望江縣翹令撫惇爨信陵在官有仁政名不  
聞京師身歿欲歸葬百姓遮路歧攀轅不得去留葬此江湄至今  
道其名男女涕皆垂無人立碑碣唯有邑人知

輕肥

南一作江

意氣驕滿路鞍馬光照塵借問何為者人言是內臣朱紱皆大夫  
紫綬或將軍誇赴軍中冥走馬去如雲尊罍溢九醜水陸羅八珍  
果擘洞庭橘鱸切天池鱗食飽色自若酒酣氣益振是歲江南早  
衢州人食人

五弦

文粹十六下

七

清歌且罷唱紅袂亦停舞趙叟抱五弦宛轉當宵撫大聲粗麤若  
散颯颯風和雨小聲細欲絕切切鬼神語又如鵲報喜轉作嗥猿  
苦十指無定音顛倒宮徵羽坐客聞此聲形神若無主行客聞此  
聲駐足不能舉嗟嗟俗人耳好今不好古所以北窗琴日日生塵  
土

歌舞

一作傷閨

秦中歲云暮大雪滿皇州雪中退朝者朱紫盡公侯貴有風雲興  
富無飢寒憂所營唯第宅所務在追遊朱輪車馬客紅燭歌舞樓  
權酣促密坐醉暖脫重裘秋官為主人廷尉居上頭日中一為樂  
夜半不能休豈知闔鄉獄中有凍死囚

買花

帝城春欲暮諠諠車馬度其道牡丹時相隨買花去貴賤無常價  
酬值看花數灼灼十朵紅茱茱五束素上張幙屋庇旁織色籬護  
水灑復泥封移來色如故家家習為俗人人迷不悟有一田舍翁

偶來買花處低頭獨長歎此歎無人諭一叢深花色十戶中人賦

閩農二首

李紳一作蕭

春種一粒粟秋收萬顆子四海無閒田農夫猶餓死  
鋤禾日當午汗滴禾下土誰知盤中餐粒粒皆辛苦

石壕吏

杜甫

暮投石壕村有吏夜捉人老翁踰牆走老婦出門看吏呼一何怒  
婦嗁一何苦聽婦前致詞三男鄴城戍一男附書至二男新戰死  
存者且偷生死者長已矣室中更無人所有乳下孫有孫母未去  
出入無完裙老嫗力雖衰請從吏夜歸急應河陽役猶得備晨炊  
夜久語聲絕如聞泣幽咽天明登前途獨與老翁別

辛苦吟

于濬

隴上扶犁兒手種腹長飢窗前擲梭女手織身無衣我願燕趙妹  
化為嫫母姿一笑不值錢自然家國肥

田家詞

元稹

文粹十六下

八

牛吒吒計角反田塲确旱塊敲牛蹏躑躑種得官倉珠顆穀六十  
年來兵簇簇月月倉糧車輻輳一日官軍收海服驅牛駕車食牛  
肉歸來收得牛兩角重鑄鋏犁作斤斲姑春婦擔去輸官輸官不  
足歸賣屋農死有兒牛有犢不遺官軍糧不足

傷田家

聶夷中

二月賣新絲五月糶秋穀醫得眼前瘡剜卻心頭肉我願君王心  
化作光明燭不照綺羅筵偏照逃亡屋

采玉行

韋應物

官府徵白丁言采藍溪玉絕嶺夜無家深榛雨中宿獨婦餉糧還  
哀哀舍南哭

茶山作

袁高

禹貢通遠俗所圖在安人后王失其本職吏不敢陳亦有姦佞者  
因茲欲求伸動生千金費日使萬姓貧我來顧渚源得與茶事親  
毗輟耕農未采采實苦辛一夫日當役盡室皆同臻捫葛上欷壁

蓬頭入荒榛終朝不盈掬手足皆鱗皴悲嗟遍空山草木爲不春  
陰嶺芽未吐使者牒已頻心爭造化力走挺麋鹿均選納無晝夜  
擣聲昏繼晨眾工何枯樞俯視彌傷神皇帝尙巡狩東郊路多堙  
周迴遶天涯所獻逾艱勤況減兵革困重茲固疲民未知供御餘  
誰合分此珍顧省忝邦守又慙復因循茫茫滄海間丹憤何由申

野老歌

張籍

老翁家貧在山住耕種山田三四畝苗疏稅多不得食輸入官倉  
化爲土歲暮鋤犁傍空室呼兒登山收橡食西江賈客珠百斛船  
中養犬長食肉

野行

姚合

客行野田間比屋皆開戶借問屋中人盡去作商賈官家不稅商  
稅農服作苦居人競東西道路侵隴畝采玉上山嶺探珠入水府  
邊兵索衣食此物同泥土古來一人耕三人食猶飢如今千萬家  
無一把鋤犁我倉常空虛我田生蒺藜上天不雨粟何由活蒸藜

文粹十六下

九

文粹卷第十六下

